



**PNG Meid
Sapliment insait...**

Pes 11,12,13,14,15

**50 toea kas long
winim plet rais...**

Pes 18 na 19

Developim distrik: Tiensten

Mani Plen wan wan ol distrik
nau i gat olsem K19 milion...

Paul Zuvani i raitim

**BIHAIN long gavman i givim
narapela K2 milion long 2011
Mani Plen wan wan ol distrik
nau i gat olsem K19 milion.**

Dispela mani i bilong ol distrik
i karim aut wok developmen o
wok stretim long hap bilong ol.

Ol memba i noken kros long
nogat wok i kamap long distrik
bilong ol.

Ol i gat ol yet long sutim tok.
Minista bilong Nesenel Plen-
ing na Distrik Developmen, Paul
Tiensten, i tok long taim em i
bekim tok bilong Sedo Minista
bilong Fainens na Tresari, Bart
Philemon.

Mista Philemon long Tunde
dispela wik long taim em i bekim
K9.3 bilion 2011 Mani Plen gav-
man i tokaut long em.

Philemon i tok ol 8-pela yia
taim Somare i stap long gavman
i go lus nating.

I nogat gutpela sindaun i stap
bilong soim stap bilong em.

Em i tok namel long dispela
taim mak bilong ol Mani Plen
Somare gavman i kamapim i
stap long K55 bilion. (... lukim
moa bekim long pes 2)

Tasol long sapotim tokaut bi-
long 2011 Mani Plen na long
bekim tok bilong Philemon Mista
Tiensten i tok Philemon i no ken
sutim tok long gavman.

Em i tok Philemon i mas luk-
luk sapos em i kamapim ol plen
na i wok long yusim dispela
mani bihainim ol projek proposel
em i kamapim.

Dispela mani em gavman i
givim aninit long Distrik Sevises
Imprumen Program (DSIP) long
helpim wan wan ol distrik.

"Yu gat mani gavman i givim
aninit long DSIP long karimaut
ol wok long distrik bilong yu.

"Wanem mani moa yu laikim
gen."

"Mani gavman i givim i sut
stret long ol samting distrik i
laikim na i gutpela rot."

"Noken wetim gavman long
kam mekim wok bilong yu,"
Mista Tiensten i tok.

Tiensten i tok dispela program
i gutpela na taim Somare/Polye
Gavman i stap dispela program
bai stap yet.

"Mi bai skruim yet dispela pro-
gram," Tiensten i tok.

DSIP program i sut long 7-
pela bikpela hap na dispela ol
hap em:

- TRENTPOT infrakstrakta
rihebilitesen na mentenens;
- PRAIMERI helt kea;
- BESIK edukesen;
- WARA saplai;
- LO na jastis;
- KOMYUNITI bes projek; na
- RUREL ilektrifikesen.

Elefan bilong Mosbi?

KRISMAS program bilong namba
wan bikpela siti bilong yumi, Pot
Mosbi, i kirap asde, taim Gavana
bilong Nesenel Kapitel Distrik
(NCD), Powes Parkop, i opim pro-
gram bilong lait so na ol arapela
bikpela singsing na amamas we
bai kirap long mun Desemba i go
inap Krismas.

Long dispela taim tu, ol lain man-
meri long Mosbi i lukim ol NCDC
lain i sanapim ol bikpela giaman
enimal olsem ol elefan, jiraf na
rainoserus em ol enimal bilong
arapela ples, we Gavana Parkop i
redi long kisim ol i kam long
Mosbi.

Derrol Bibi (9 krismas), Jeremiah
Bibi (8 krismas), na liklik Hadassha
Bibi (5 krismas) i bin raun i go
lukim ol dispela giaman enimal
taim Wantok Niuspepa i bungim ol.

Poto: Nicky Bernard

**Teksim
Fevret
Sta blo
yu!**

Lukim EMTV
displa Sunde long
6:30pm nait.
Teksim nem lo sta
yu laikim i go lo
namba1699 na
bai yu go insait
lo laki dro we
yu inap winim
kes moni na fri
kredit!

**Digicel
stars**

Digicel

Bikpela, Stronpela moa Network bilong PNG.

Digicel tems na kondisen istap insait



**OCEAN BLUE
TUNA**

*Gutpela abus tru na
i no dia tumas!*

OX & PALM



8-pela yia i lus nating: Philemon

Paul Zuvani i raitim

MASKI long 8-pela yia na gavman i kamapim olsem K55 bilion Mani Plen long

dispela taim i nogat wanpela samting i stap bilong soim stap bilong gavman na kamap bilong dispela ol mani.

Deputi Oposisen Lida na Sedo Minista bilong Fainens na Tresari Bart Philemon i mekim dispela tok long Tunde dispela wik long

taim em i bekim tokaut bilong K9.3 bilion 2011 Mani Plen bilong gavman.

Em i tok long taim gavman i stap long

gavman em i abrus long stretim ol hevi olsem:

- **STRONGIM** tingting bilong ronim na menesim gut pablik opis na daunim paul pasin;
- **SKELIM** namba bilong ol pablik sevans long wanem sampela i nogat wok bilong ol na i kaikaim nating mani;
- **ARERE** long petroleum, maining na ges sekta opim tingting na strongim ol arapela sekta we gavman i ken kisim mani long ol;
- **YUSIM** mani long ol hap we em bai mekim mani long em, moa long ol toktok i sut long sevis we ol manmeri i kisim long em;
- **I MAS** kamapim rekot we i soim wok developmen na stap bilong ol manmeri

long dispela taim, i no bilong bipo o kamapim wok long tingting tasol; na

- **MEKIM** ol manmeri i rejisterim graun bilong ol bai ol i ken mekim wok bisnis long em.

Em i tok bikos long dispela asua kantri i go het long lukim ol rot i bagarap, haus sik o nogat marasin long ol, skul i bruk daun na manmeri i no lukim ol sevis.

"Inap long Praim Minista o wanpela minister bilong em i tokim dispela Palamen long wanem samting Somare gavman i kamapim long las 8-pela yia taim i stap long opis?"

"Sapos Praim Minista na Minista bilong em i no givim mipela ol toktok orait bai mipela i save olsem wanem na bai i bilip ol toktok bilong em long 2011 Mani Plen wantaim

hettok long 'Mani Plen bai sanapim lek bilong strongim ikonomi?'" Mista Philemon i askim.

Em i tok dispela i namba 6 taim em i bekim Mani Plen bilong Gavman olsem sedo minista na long taim em i stap Memba bilong Palamen long 18 krismas.

Em i tok namel long dispela taim na long taim em i stap Minista bilong Fainens stat long 2002 i kam inap 2007 em i bin kamapim wanpela Saplimentari Baset na foapela Mani Plen.

Em i tok long dispela taim gavman i kamapim ol strongpela lo we gavman i no ken lusim nating mani.

Tasol bihain long em i lusim gavman na i stap long Oposisen Somare gavman i no moa skruim dispela ol gutpela polisi na wok em i bin statim.



Mis Saut Pasifik
lukluk raun..

AMAMAS: Ol pikinini bilong Mutenio Komyuniti Lening Senta (CLC), ol tisa bilong ol, na ol papamama i bin amamas tru taim Mis Saut Pasifik Kwin, Marawalesi Nailatikau, i bin raun wantaim ol memba bilong Digicel Foundation na ol patna bilong em Pot Mosbi Rotari na Foskwe Sios i go long skul bilong ol insait long 9-mail setelmen ausait long Pot Mosbi. *Poto: Nicky Bernard*



NOTIS I GO LONG OL SAPLAIA BLONG OL GUDS NA SEVIS I GO LONG GAVMAN DIPATMEN PROVINSOL NA LOKOL LEVEL GAVMAN

2010 PASIM BLONG OL AKAUNTS

TOKSAVE LONG ARERE BILONG 2010 FAINENSOL YIA I GO LONG PABLIK OLSEM:

- Laspela dei long givim aut ol nupela Integrated Local Purchase Order Claim (ILPOCs), na tok orait long commitment i go long Gavman PGAS em long dei **13th DISEMBA 2010**. Bai nogat nupela ILPOC bai go aut bihain long dispela dei, **13 DISEMBA 2010**.
- Peimen bilong ol guds na seves i go long husat i givim ol samting long Gavman, yusim ol trupela ILPOC bai go yet inap **31st DISEMBA, 2010**.
- Gavman bai baim husat saplaia sapos yu givim ol invoices bilong yu i go inap arere blong bisnis long dei **10th DISEMBA 2010**. Sapos yu givim ol guds na seves pastaim long **10th DISEMBA 2010**, yu bai ol baim yu long 2010 yia.
- Olgeta invoices na wanem kain askim yu gat imas go long pei opis bilong wanem gavman dipatmen husat i bin yusim guds na seves blong yu. Noken karim ol kleims bilong yu i go long dipatmen bilong Fainens.
- Toksave ken olsem Gavman bai baim tasol ol opisol ILPOC na i no ol nara-pela kain kleim. Dispela em i Lo.

Authorised by:
GABRIEL YER
SECRETARY BLONG FAINENS

Gavman mas bihainim Mani Plen

Paul Zuvani i raitim

GAVMAN i mas bihainim ol mani plen na i no ken kamapim ol wok ausait long dispela plen.

Sapos em i no bihainim em bai bungim tupela bikpela hevi-prais bilong ol guds na sevis i go antap na pasim rot bilong invesmen.

Sedo Minista bilong Fainen na Tresari Bart Philemon i mekim dispela tok long taim em i bekim tokaut bilong K9.3 bilion 2011 Mani Plen.

Em i tok planti ol saveman i tok dispela

tupela hevi oltaim i save kamap sapos gavman i no was gut long mani plen.

"Maski ol Minista i kamap na autim tingting bilong ol, Tresera i mas noken harim tok bilong ol.

"Tresera i mas tokim ol Minista long ol i mas tokim ol opisa bilong sot namba bilong ol wok ol i tok long kamapim.

"Olgeta wok i mas kamap insait long mani plen," Philemon i tok.

Em i tokaut long sampela mak na i tok ol i soim olsem PNG i nogat strong bilong banisim Mani Plen bilong em.

Minista bilong Tresara bihain long tokaut bilong Baset i lusim mani plen na bihainim toktok bilong ol Minista we i no stap insait long Mani Plen.

Em i tok bikpela piksa bilong dispela hevi long 2008 Mani Plen.

Em i tok taim gavman i kamapim mani i bin gat K202.4 milion. Tasol bihain long gavman i yusim mani lus long K478.5 milion.

"Dispela i bikpela pundaun bilong K600 milion."

"Mipela i no inap long bilip hariap sapos plen em gavman i tokaut bai i bihainim," Philemon i tok.

As bilong gavman no kamapim ol wok

Paul Zuvani i raitim

PLANTI ol praim minista i bin laik amamas long stap long gavman long olsem Se Michael Somare i stap long em long dispela taim tasol i no lukim.

Se Michael i mas amamas olsem em i stap long dispela taim.

I gutpela long em i amamas tasol ol manmeri i nogat samting long ol i amamas long em i stap long opis.

Dispela em bikos Se Michael wantaim gavman bilong em i no

kamapim ol wok o bihainim ol stretpela rot, Deputi Oposisen Lida Bart Philemon i tok.

Em i tok i gat ol asua em i stap gavman long karim aut gut ol wok na dispela ol asua em:

- **PABLIK** sevis, rausim ol pablik sevans husat i lapun pinis na i nogat wok bilong ol. Na pasim ol opis we i mekim wanpela kain wok tasol. Long 2000 gavman i save yusim K1 bilion mani long baim ol pablik sevans tasol bihain long 8-pela yia dispela mak i suruk

kamap antap long K2 bilion;

- **TROMOI** mani long ol hap we em i no mas yusim mani long em. Bikpela samting em i mas bekim dinau mani hariap bai dispela i no ken pasim em long kari-maut Mani Plen bilong em;

- **K A M A P I M** data bai i ken helpim em long kamapim developmen plen bilong em; na

- **NOGAT** gutpela menesmen long pablik menesmen.

Mi oposisen lida yet: Mekere ... Gavman i pret

Paul Zuvani i raitim

"BILONG wanem Spika (Jeffrey Nape) i surukim kibung?

"Nau yet Oposisen i gat 19 Memba na mi stap yet olsem Oposisen lida

"I nogat wanpela lo i stap na i tok olsem lida bilong Oposisen oltaim i mas kam long pati we i gat bikpela namba bilong ol memba.

"Long pasin yes, mipela i bihainim kain tingting.

Dispela i tok bilong Memba bilong Mosbi Wes Se Mekere Morauta long taim Mista Nape i surukim Palamen kibung long aste na kisim i kam long nau

10 kilok moning.

Nape i mekim olsem bihainim askim bilong Gavana bilong Is Sepik Peter Wararu long sapos Gavman i save husat tru i Oposisen Lida bihain long Memba bilong Vaimo Green i lusim gavman na kamap lida bilong PNG Pati, pati bilong Se Mekere.

Tasol Se Mekere i tokim ol niusmanmeri olsem em i stap yet olsem Oposisen Lida maski em i no moa lida bilong pati.

Na taim em i mekim olsem dispela i no brukim wanpela lo na olsem i nogat asua.

"Gavman i pret long bungim vot i

nogat bilip long em.

"Em i giaman long kamap wantaim dispela tok na pasim ol taim bai toktok bilong mipela long kamapim vot i nogat bilip i no ken kisim wanpela taim na kamap," Se Mekere i tok.

Long sapotim em bipo Deputi Praim Minista Se Puka Temu i tok mosen bilong ol long kamapim vot i nogat bilip i stap yet.

Na dispela moning (Fonde) Spika i mas tokaut long em.

"Tingting bilong kamapim vot i nogat bilip i stap yet.

"Mipela i no rausim na dispela tingting i stap long opis bilong Spika long tokaut

long em," Se Puka i tok.

Memba bilong Rabaul na bipo Atoni Jeneral Dokta Allan Marat i tok ol kain mosen olsem vot i nogat bilip i bikpela samting.

Kain tok i no liklik tok bilong spika o gavman i putim long sait.

Kamap bilong kain tok i tokaut olsem i gat asua i stap.

Na vot olsem i mas kamap long soim strong bilong gavman sapos em i gutpela long em i stap yet long opis o nogat.

"Long bihainim lo tru, kain tok i mas kamap na nogat wanpela man i mas pasim," Dokta Marat i tok.

Dame Carol autim belkros long midia

Veronica Hatutasi i raitim

KOMYUNITI Developmen Minista, Dame Carol Kidu, i autim belkros bilong em long midia long ripot i no stret ol bin mekim tupela wik i go pinis na tok em i laik kamapim lo i tok oraitim pasin pamuk na man i maritim man.

Na em i askim strong midia long sekim ol stori gut pastaim na raitim.

"Midia i mas sekim gut ol samting na raitim. i nogat lo i tok oraitim pasin pamuk na man i maritim man long kantri. Samting tru em Nesenel Eksekutiv Kaunsel i dairektim Lo Rifom Komisn long glasim ol samting na sampela eria i sut long sosel na humen rait we ol i ken mekim sampela senis long en. Dispela em ol eria long pablik helt na seif seks," Dame Carol i tok.

Em i tok tu olsem narapela pamuk meri na watpo man i wokim pasin pamuk wantaim em i nogat.

RED RIBON SELS: Dispela wik ol yangpela long Friends Foundation Inc (task force) i raun salim ol red ribbon long helpim program bilong ol we ol save karimaut long helpim ol manmeri na pikinini husat i stap wantaim HIV. Poto i soim Tara Soi, James Leia, Helalo Noi na Katsie Kuku i raun salim ol red ribbon. Ol i bin raun i kam kamap long Wantok opis long Waigani. Ol i salim ol ribbon long K1, K2 na K10. Poto na Stori: Nicky Bernard



Somare tok klia long ol sut toktok

Paul Zuvani i raitim

PRAIM Minista Se Michael Somare long aste i askim Spika bilong Palamen, Jeffrey Nape na kisim taim long bekim ol sut tok i go long em na famili bilong em.

"Mi no save long sotpela histori bilong mipela long wanpela taim we wanpela famili i mas karim hevi bilong ol sut toktok.

"Mipela i bin kisim ol sut tok long Oposisen, long media na long ol manmeri nating.

"Mi laik tok klia long Papua

Niugini olsem mi o wanpela memba bilong famili bilong i kisim wanpela samting bilong dispela kantri we i no bilong mipela.

"Mi kisim dispela kantri i kam long Indipendens wantaim ol gutpela tingting.

"I nogat wanpela mas kisim kain pen olsem famili bilong mi i kisim na ol yia i kam inap nau.

"Yes mi memba bilong Palamen na olsem mi pablik man tasol i gat ol rot bilong mekim ol wok wantaim ol arapela manmeri na dispela i go tu long ol

lain husat i holim pablik opis," Se Michael i tok.

Em i tok bikos long politiks ol toktok bilong Moti Afea oltaim i wok long kamap.

Dispela i wankain long ol toktok bilong mani i paul long Taiwan. Dispela hevi em ol kot bilong Singapore i stretim pinis. Inap long wanpela tru tru samting i kamap kantri i ken save husat i gat asua. Nau yet dispela i win toktok tasol.

Em i tok ol Ombudsmen Komisen tu i painim ol rot long bagarapim nem bilong em long

liklik hap lo we i tok em i mas givim ol ripot mani long ol yia i go pinis.

"Kain pasin bilong ol politikal sut tok i no save kamap long las 35 yia tasol nau i wok long kamap bikpela.

"Mipela lusim gutpela tingting bilong mipela o olsem wanem?

"Oposisen Lida i daunim mak bilong opis bilong em na i go daun daunbilo long givim nem long ol manmeri long ol sut tok bilong em.

"I gat planti ol manmeri husat i stap turangu moa long ol man-

meri bilong Papua Niugini tasol mipela i gat bikpela bel kros yet."

Em i tok pasin bilong ol manmeri i wok long go bagarap.

Ol manmeri i kaikai buai, spet na bagarapim ples, tromoi pipia, brukim ka bilong ol arapela manmeri.

"Mi tu ka bilong mi ol i sutim long ol plastik na spet long em

"Dispela i soim pasin bilong mipela long laikim na rispektim narapela na arapela i pinis na em i sem pasin long mekim olsem," Se Michael i tok.



IPNGS lonsim nupela buk long PNG tumbuna musik, stori na danis...



KULELE LONS: L-R: Ekting Dairekta bilong IPNGS, Don Niles wantaim Dairekta bilong Turisim Promosen Atoriti, Mariana Ellingson, tumbuna danis na musik risetsa na narapela wanwok bilong ol long taim bilong buk lons. Poto: Nicky Bernard

L UKAUTIM ol tumbuna musik, stori, poem na singsing i wanpela bikpela eria we kantri i mas lukautim na ol lain i kam bihain i ken lukim, bihainim na save olsem ol i gat faundes bilong ol.

Na Institut bilong PNG Stadis (IPNGS) i dispela bodi i mekim ol samting long lukim olsem ol dispela tumbuna musik, stori, singsing na danis i stap yet.

Long lons bilong namba 4 buk, Kulele i bin kamap long IPNS long Novemba 17, Ekting Dairekta Don Niles i bin tok ol bin statim Kulele olsem wan-

pela jenol long poromanim ol buk long musik long PNG we nau ol i gat namba 10 volium bilong em. Tasol Kulele i gat ol wok risets long musik na danis long PNMG na Pasifik rijen wantaim.

Nupela namba 4 pabliken bilong Kulele i gat ol wok risets bilong 7-pela save lain long ol tumbuna musik, danis, na stori bilong ol wan wan ples long PNG we ol bin karimaut ol wok risets long em.

"Olgeta ol dispela kontribusen i lukluk long tumbuna musik na danis bilong dispela kantri. Na

bikpela samting em long lukautim na pipel i no lusim tingting, tasol ol i bihainim.

Na ol dispela samting mipela i bungim wantaim long buk na rekotim em i wok we i kisim moa long 100 yia. Ol stori long dispela Kulele i ken mekim yu i laik ritim, tasol moa long en, ol i ken salensim yu, givim yu gutpela tingting o mekim yu kros.

Na dispela i ken kirapim yu long glasim tumbuna musik na danis bilong PNG, rait long ol na serim ol samting na save yu gat long em," Mista Niles i tok.

Toktok long Panguna Main i op bek i go gut ...Glasim Bogenvil Kopa Agrimen

Veronica Hatutasi i raitim

OL TOKTOK na wok i wok long go het nau long glasim Bogenvil Kopa Agrimen na Panguna main i ken op bek, Otonomes Bogenvil Gavman (ABG) lida em Presiden John Momis i tok.

Mista Momis i tok olsem insait long wanpela bung wantaim ol nius manmeri we em bin singautim long toktok long Bogenvil Restoresen na Developmen Gren we nesenel gavman i no peim sampela milion

Kina mani long 2010 na 2011.

Mista Momis i tok Bogenvil Edministresen i wok hat nau long toktok wantaim ol Panguna Kopa Main papagraun long stretim ol yet na kamap aninit long wanpela ambrela na bai em i isi long toktok wantaim wanpela nek na tingting.

"Ol wok i go gut, tasol mipela i laikim mani long karimaut ol wok awenes, tasol mi bilip olsem i no longpela taim bipo Panguna Main i op bek. Tasol ol papagraun i mas kamap wantaim agrimen na toktok na sanap wantaim wan-

pela tingting na wanbel.

"Mi toktok wantaim praim minista long rivuim ol glasim Bogenvil Kopa Agrimen. Ol pipel long Bogenvil i laikim bai Panguna Main i op bek gen," Mista Momis i tok.

Mista Momis i tok tu olsem em i bungim bikman bilong Bogenvil Kopa kampani, tasol bikpela samting em ABG bai mekim ol samting long makim laik bilong pipel long Bogenvil yet. Olsem na em i singaut long ol Panguna papagraun long wok bung gut wantaim na ol samting i ken go long gutpela rot.

Momis laikim gavman long peim ol restoresen na developmen gren mani

Veronica Hatutasi i raitim

OTONOMES Bogenvil Gavman (ABG) lida, Presiden John Momis i laikim bai nesenel gavman i peim ol Bogenvil Restoresen na Developmen Gren mani bilong dispela yia 2010 na neks yia 2011.

Manimak bilong 2010 gren em K15 milion na i mas wankain mak bilong neks yia.

Dispela ol mani em nesenel gavman i wok long katim long maniple o baset bilong gavman i go long Bogenvil long karimaut ol wok bilong stretim ples na ol wok developmen. Na tok orait long nesenel gavman i givim dispela mani sapot olgeta yia i stap long Bogenvil Pis Agrimen.

Tasol long dispela yia na long neks yia 2011 baset we gavman i tok oraitim tasol long nau Palamen bung, gavman i no katim dispela Bogenvil Re-

storesen na Developmen Gren mani. Na Mista Momis wantaim ABG na Bogenvil Edministresen i no amamas long dispela bikos em i kamapim hevi long ol wok operesen bilong ABG na Bogenvil Edministresen. Na ol eria olsem Polis operesen wok, Helt, Edukesen na sampela narapela eria moa.

Mista Momis i stap nau long Mosbi na stat yet long dispela wik Mande, em i wok long bung wantaim Praim Minista Se Michale Somare, Fainens Minista Peter O'Neil, Stet Entaprais Minista Arthur Somare, Plening na Monitoring Minista Paul Tiensten na 4-pela Bogenvil Palamen memba long kisim dispela mani.

Taim em i amamas long gutpela toktok na sapot i kamap long bung wantaim Se Michael na ol narapela nesenel ministea na lida, em i laikim bai gavman i peim dispela mani bilong

tupela yia hariap na em i ken go bek long ailan wantaim gutpela nius.

Mista Momis i tok gavman i no givim wanpela tok klia watpo nesenel gavman i no wokim peimen long dispela yia na tu, em i no putim long baset bilong neks yia.

Tasol em i tok planti ol lida i bin wok long eria bilong Bogenvil nau i no moa stap long lukim olsem ABG i kisim dispela mani. Olsem na nau, awenes i mas kamap long Bogenvil Pis Agrimen na luksave long ol wanbel toktok i stap na wanem ol samting we nesenel gavman i mas mekim long sapotim Bogenvil i kisim ful atonomi o gavman i gat moa pawa o indipendens.

Olsem na em i tok em i bikpela samting long Nesenel Gavman i wok gut wantaim ABG long go hetim ol samting i stap insait long Bogenvil Pis Agrimen.



Gat wok lo Hapim, Pullim Ropim o Titim? Em mipela igat ol rite samtin lo yusim!

BISHOP BROTHERS
everything for industry...

EMAIL: sales@bishopbros.com.pg WEBSITE: www.bishopbros.com.pg

God na Man

“NA GOD i tok, ‘Olsem na man i save lusim papamama na i pas wantaim meri bilong en, na tupela i kamap wanpela bodi tasol.’

God i tok olsem na tupela i no stap olsem tupela moa. Nogat. Tupela i kamap olsem wanpela bodi.

Olsem na samting God i pasim pinis, em man i no ken katim.” (Mt 19:5-6)

Marit em samting i kam long God. Marit-laip i stap long plen bilong God, bai yumi olgeta manmeri bilong graun i bihainim. God yet i wokim man na meri. Wanpela bai maritim narapela na tupela i kamap wanpela bodi na karim pikinini bilong tupela. Dispela em samting God yet i kamapim na rot God yet i makim bai man na meri i bihainim long laip. I nogat narapela rot i bringim amamas tru long laip bilong man na meri. Laip tru em man i maritim meri; tupela i kamapim pikinini; na olgeta wantaim i sindaun olsem famili tru bilong ol yet na famili bilong God wantaim.

Man na meri i tok yesa long laik bilong tupela na i marit. Famili lain i sapotim promis bilong tupela; graca bilong God i go insait long yesa bilong tupela bilong helpim marit-laip bilong tupela. Long kirap bilong tru marit-laip tripela i stap nau: man na meri na Krais, na komyuniti i sapotim marit bilong ol. Lukim nau husat i sapotim dispela marit nau: man na meri, Krais na Sios, na famili komyuniti. Em nau, samting tru i stap na bikpela sapot na helpim i stap bilong strongim marit-laip bilong nupela marit.

Wanpela i bungim misteri bilong narapela. Tupela i soim laik, wanpela long narapela. Laik i kam long serim bodi, long wanpela i amamas tru long poromanim narapela, na sakrifais na helpim i stap namel long tupela. Insait long kain marit olsem bai yu painim: trupela laik, amamas, rispek, wanbel na bel isi, God i givim long tupela.

I gat planti kain marit, ol i kolim marit - tasol, i no marit tru. Olsem, tupela i unating na traime marit tasol. Ol i no marit long ai bilong famili na komyuniti (kastam); ol i no marit long Haus Lotu (God); ol i no marit long ai bilong Gavman Registri opis. Tupela i sindaun nating wantaim. Nogat kontrak o strongpela yesa; nogat blesing bilong Bikpela o long Sios. Pikinini bilong ol i nogat nem tru o famili tru o graun; em ol pikinini nating! Mi lukim planti i gat HIV pinis i kam long kain marit olsem. Planti bilong ol dispela lain i save senisim poroman nabaut, na i no long-taim ol i painim sik HIV. Planti ol i kolim dispela kain marit: “siti-marit”; tasol dispela pasin i stap long viles laip tu.

Brukim marit i bikpela rong tru na planti i save mekim nau.



Bipo, i gat bikpela tambu long brukim marit na i gat bikpela sem i go wantaim. Tasol tude, man i save bikhet na bihainim laik tasol. Lo bilong God i no senis na i stap yet; Yu bikhet man yu no inap winim Lo bilong Bikpela. Bihain bai yu kisim klia! Na ol manmeri bilong ples (kastam-marit) i save amamas long lukim marit i stap tru na famili lain i sindaun amamas wantaim. Ol i no laik lukim wanpela i go nabaut na mekim rong; ol i no laik lukim marit i bruk; ol i no laik lukim man i raun nabaut wantaim ol yangpela meri o senisim meri. Ol dispela kain pasin i save givim bikpela hevi long komyuniti. Hia em rot bilong HIV i kamap bikpela. Planti long ol dispela lain i no pas wantaim wanpela patna long marit bilong ol, na i go pilai nabaut nating, planti ol i kisim sik, STI na HIV. Brukim marit em bikpela rong tru!

Mi gat wanpela stori. Man i kam na em i tok em i laik marit insait long Haus Lotu. Ol bikpela brata na susa bilong em i bin marit long Haus Lotu, na em i laik bihainim pasin bilong ol na marit long Haus Lotu.

Pris i singautim tupela i kam na em i wok long harim stori bilong tupela.

Meri em bilong Sentrel Provins na em i gat tok piksa bilong marit long het na hat bilong em olsem. Tupela i mas i gat trupela laik na tok yesa long marit. Na wanpela mas rispektim narapela na soim laik long kain kain we insait long marit-laip bilong ol; noken pait o kros tumas. Tupela famili tu i mas amamas long dispela marit, na em i laik soim ol i marit long wanpela pablik lotu.

Man i kam long wanpela Provins bilong Hailans. Em i gat narakain tingting olgeta. Em i strong long baim meri. Na em i tok, meri i mas harim tok bilong em na bihainim laik bilong em. Meri em bilong amamasim bodi bilong man na servim man tasol.

Pris i harim tok bilong tupela na em i wari. Em i askim meri: “Em i save paitim yu na krosim yu ?” Na meri i tok: “Yes! Em i no laik harim tok bilong meri!” Pris i tokim man:” Sori brata, yu no redi long Kristen marit. Yu no inap mekim promis bilong Kristen-marit. Yu save, hap bilong promis man i save mekim long meri em i olsem: “Mi promis bai mi laikim yu na mekim gut long yu olgeta de inap mi dai.” Paitim meri, krosim na kontrolim meri i no Kristen pasin. Meri i no “slave” bilong man. Meri i poroman na mama bilong ol pikinini. Tru meri i mas harim tok, tasol, man tu i mas harim wari bilong meri. Sori brata! Yu no redi long Kristen marit-laip! Tok bilong God, long marit, i no stap long bel bilong yu!”

Ol maunten komyuniti long Goilala i kisim helt sevis helpim

MOA long 200 pipel long 5-pela ples insait long Goilala Distrik long Sentrel provins i bin kisim helpim long sait bilong marasin na sik na tok tenkyu i go long ol medikel lain bilong PNG Difens Fos na woklain bilong Australia Difens.

Long 6-pela de i stat long Novemba 14 inap long 19, ol lain bilong PNG Difens Fos, woklain bilong Australia Difens, AusAID na sampela lain bilong Sentrel provins na Goilala Edministresen i bin wokim patrol na givim helpim na marasin long 206 pipel i gat ol sik long ol ples olsem Koila (25 pipel), Erume (26), Kariarita (8), Kerau (87) na Tawuni (60), Opis bilong Hai Komisn bilong Australia i tok.

Ol sik we dispela ol medikel lain i lukim na giim marasin long ol em ataraitis, malaria na ol lain we bel i sola pi ken gat ol liklik snek insait.



PNG NA AUSTRALIA MEDIKEL DIFENS PATROL HELPIM: Wanpela long ol Australia Difens medikel lain i helpim wanpela mama i gat sik long skru bilong em. *Poto: Australia Hai Komisn Midia*

Long narapela sait, ol Sentrel provins helt woka wantaim helpim bilong AusAID i bin givim banis sut long moa long 100 pikinini.

Dispela medikel patrol i prektikel hap bilong PNG Difens Fos medikel kos we i bin lukim Mal Woods bilong Australia Difens na Jerry Aihhi bilong Goldie Riva Trening Depo i go

pas long 16-pela man, tupela meri long en. Tu, man i makim Sentrel Provins AusAID em Colin Wiltshire, Goilala Distrik Edministreta Titus Garau na ol kaunsela na helt woklain i bin stap na wok wantaim ol lain long 5-pela de wokabaut bilong ol.

Mista Woods i tok amamas long wokabaut i go

long hailans o maunten hap bilong Goilala long givim sevis na marasin long ol komyuniti i stap longwe komyuniti we i painim hat long kisim ol helt sevis. Em it ok moa olsem ol dispela kain patrol i gutpela bikos ol i giivm prektikel trening i go long ol PNG ami medikel lain long ol fil wokabaut olsem.

Ol Perioperativ Nes i bung

Veronica Hatutasi i raitim

SAMTING olsem 70 nes long kantri i memba bilong Perioperativ Neses Sosaiti long PNG i bin sindaun long tupela de na lainim glasim gen wok, lukaut na sevis ol i givim long ol wan wan eria bilong ol.

Perioperativ i karamapim ol nes i wok long ol eria olsem Sejikal o katim ol man, Imejensi na Tiata wod.

Aninit long het tok,” Bildim strongpela perioperativ spirit na networking”, ol nes i bin toktok long sefti seklista bilong WHO, wasim na lukautim gut long gat klinpela han ol i save yusim long wok, networking long odaim ol rait marasin na ol narapela saplais bilong autpesen sekse bilong haus sik, long promotim helt long susu, netwok wantaim ol wanwok na long Pasifik, na ol arapela moa.

Caroline Siwi bilong Boucher&Muir-PNG i bin wokim presentes olsem em i bikpela samting long olgeta taim ol i mas gat ol samting bai ol i yusim long wokples. Na ol i mas gat ol rait marasin na ol masin, raitpela mak marasin long givim na save long wanem hap

long kisim ol samting.

Olsem na em bin tok networking i bikpela samting.

Taim Mis Siwin i mekim klia na autim ol gutpela na nogut long “formal” na

“Informal” networking sistem long kisim ol saplais na ol narapela sevis, em bin tok sistem nau i stap i bihainim rot long Nesenel Dipatmen bilong Helt i go long ol provins, ol haus

sik na ol helt senta i no wok gut bikos long mani hevi na kisim ol sevis i go aut i no gutpela, em bin tok long kamapim gut ol samting, ol i mas gat gutpela netwok sistem.



STATUTORY DECLARATION

I/WE, (a) Cornelius Katun of Lingite VILLAGE, WEST NEW BRITAIN PROVINCE

Do solemnly and sincerely declare that (b)

- (1) I am of the persons to be registered by transmission as the owner of that piece of land known as Portion 493 in the Milinch of Banga Fournil Talasea being the whole of the land comprised an area of 13.1 ha.
- (2) I am the elder son of Katun Palage the registered owner of the said block of land who has deceased on 7th of July 1981.
- (3) I have no knowledge of the said owner's copy.
- (4) I have never seen the said owner's copy and I have searched in all likely places that is my house, through my papers and amongst my personal effects. Enquiries have been made at my Bankers and with other persons who may have had access to the said owner's copy and these enquiries were not successful in locating the document.
- (5) The said owner's copy has never been lodged with my person or corporation as security for a loan or for any other purposes, to the best of my knowledge and belief.
- (6) I have never seen the said owner's copy.
- (7) Enquiries made with other persons who may have access to the said owner's copy reveals that they have no knowledge of the documents whereabouts.
- (8) The said Certificate of Title is not subject to any encumbrances, liens or charges.
- (9) As my father did not show me the said owner's copy at anytime, unlike his usual practice with such documents, I have no knowledge of what caused the document to be lost.
- (10) A replacement Title deed is required to do transmission.

And I make this solemn declaration by virtue of the *Oaths, Affirmations and Statutory Declarations Act 1962* conscientiously believing the statements contained therein to be true in every particular.

Declared at... Kinuse ... (c) ... 29th ... day of September ... 2010 ...

The ... 29th ... day of ... September ... 2010 ...

(d) ... Before me ...

(e) COMMISSIONER OF LANDS

(a) Here insert name, address and occupation of person making the declaration.
 (b) Here insert the matter declared to. Where the matter is long it should be set out in numbered paragraph.
 (c) Signature of person making the declaration.
 (d) Signature of person before whom the declaration is made.
 (e) Here insert title of person before whom the declaration is made.

Note: Any person whom willfully makes a false statement in a Statutory declaration is guilty of an indictable offence and is liable to imprisonment with or without hard labour for four years.

MPU3/95-083/200.00

Santu Martin de Porres i gutpela sios wokman na pren bilong pipel

SEN MARTIN de Porres Katolik Peris long Morata insait long Nesenel Kapitel Distrik i bin selebretim pestode bilong was santu bilong em long las wik.

Ol perisina i bin gat spesel misa lotu na ol selebresen we ol i bin gat ol tumbuna danis na singsing na ol narapela lotu program long luksave long pestode bilong was santu em Santu Martin de Porres.

Joe Make em memba bilong Peris Pastorel Kaunsel i bin ritim laip stori bilong Santu Martin de Porres na wok em i mekim olsem wanpela sios wokman long 430 yia i go pinis. Tasol long tude, yumi ken kisim skul na bihainim ol gutpela skul na santu laip em bin gat long em.

Stori bilong em i ken strongim na givim gutpela tingting long yumi olgeta long strongim preia laip bilong yumi, helpim ol turangu lain na i gat daun pasin.

Sen Martin de Porres i bilong kantri Peru long Saut Amerika na wanpela hapkas Spein na Afrika. Tasol skin bilong em i tudak olgeta na em i wanpela blekpela man. Papa i wanpela bikman bilong kantri Spein na em bin wanpela soldia long King bilong Spein taim em i bin bungim meri Afrika na maritim, karim i go long ples bilong em na karim Martin na susa bilong em Jane. Bikos Spein i bin bosim Peru, papa bilong Martin husat i pren bilong King bilong Spein i salim em i go long Peru na family i beis long hap. Tasol bikos tupela pikinini i no bihainim papa na ol i kisim blekpela skin bilong mama, papa i save sem long ol. Na ol i no go long skul bikos ol pikinini bilong ol waitman tasol i gat mani i save go long skul.

Bihain papa bilong em i go long ples Guayaguit, long we long liklik ples bilong ol, Santo Domingo, na em i kisim Martin na Jane wantaim. Ol i lusim mama long ples. Long ples Guayaguit, tupela pikinini i go skul na Martin i gat bikpela laik long kamap dokta. Em i go wok wantaim wanpela dokta, tasol em i save strongim preia laip bilong em yet long helpim



SEKAN: Siaman bilong peris Kaunsel i sekanim Pater Victor Roche, em Sekreteri bilong Katolik Bisops Konprens bilong PNG na Solomon Ailan, long pinis bilong misa lotu. *Poto: Nicky Bernard.*

na marimari bilong God. Long tripela yia em i wok wantaim dokta, em i wok hat, pre hat na oraitim planti siklain. Taim em i gat 15 yia, em i lusim dokta, lusimn mama bilong em tu na go wok wantaim pater long Dominiken konven.

Em i kamap Bruder long namba wan oda bilong Santu Dominic na wok long ol eria bilong klinim ples, wok gaden, helpim ol sik na turangu, lukautim ol animal na pisin na strongim preia laip yet.

Taim em i liklik, mama bilong em i save salim em i go long stoa, tasol pasin sori long ol turangu i save mekim na em i save givim olgeta mani long ol turangu lain.

Tasol samting mama i salim em long baim i nogat nau na taim em i go bek long haus han nating, mama i save paitim em nogut.

Tasol em i save beten long God bilong marimari long en bikos em i no harim tok bilong mama. Sampela taim em i

save askim susa Jane long pre wantaim em na askim God long papa bilong ol i kambek.

Taim em i kamap Bruder, em i save pre hat moa na God i givim em spesel blesing long oraitim ol sik manmeri.

Olgeta ol rilijes long konven na ol narapela manmeri i save gut long em na ol i laikim Martin tumas bikos em i save mekim gut long olgeta pipel em i bungim long wok n a laip bilong em.

Em i wok olsem Bruder longpela taim na kamap lapun pinis, tasol em i autim Tok bilong God, helpim planti yangpela manmeri long kamap Pater, Bruder na Sister.

Wanpela de, em i wok long swipim konven na i pilim bikpela pen tru long bodi. Ol narapela rilijes na pablik long Santo Domingo i harim olsem Bruder Martin i sik na ol i sori tru.

Taim bilong em i dai, em i redi long go. Em i putim waitpela klos na holim wanpela lik-

lik kruse na dai. Em bin gat 60 krismas. Planti manmeri i go lukim bodi bilong Martin taim em i dai na namel long ole m wanpela sik meri we wanpela hapsait han i dai longpela taim tru.

Tasol taim em i holim bodi bilong Bruder Martin, nem bilong meri em Catherine Gonzales, i bin kamap orait. Ol pipel i lukim mirakel i kamap na ol i singaut, singsing amamas na pre. Ol i luksave olsem Bruder Martin i wanpela santu.

Taim bilong bung na planim bodi bilong Bruder Martin, ol siklain, ol pipel na pikinini bilong Santo Domingo na siti bilong Lima i go lukim na tok gutbai long em.

Foapela bikman long gavman na sios i bin karim kofin bilong em i go long matmat long planim em. Olgeta lain i lukim em olsem gutpela brata tru bilong ol.



NOGAT RISPEK MOA!

TRIPLELA wik i go pinis, wanpela lapun indai long ples mi stap long en. Em i bin kisim bikpela sik na indai long haus sik bilong Pot Mosbi. Taim ol i harim toksave i kam long haus sik, bikpela krai tru i bin kamap namel long lain famili bilong em.

Narapela de, planti lain bilong em i kam krai na bung bung i stap long haus krai. Ol i krai liklik na i no longpela taim ol i opim buai maket long rot arere long haus krai. Sampela de bihain mi lukim planti manmeri moa moa yet na pilai kas inap long tude.

Tripela wik i go pinis na bodi bilong lapun man i stap long haus sik yet. Ol i no planim em yet. Bikpela bung i stap yet. Tasol mi no harim krai sori moa long indai bilong man. Olgeta de ol i wokim buai maket. Bikmaus long ol yet. Long apinun ol i bung long pilai kas. Long wiken ol i dring spak na bikmaus, tok kros namel na wokim tok nogut long ol yet. Las wiken bikpela spak i kamap. Ol i wokim nois, pilai bikpela musik na singaut singaut inap long tulait. i luk olsem ol i no tingim moa long lapun man i dai na stap long mog o aisbokis bilong putim ol daiman long haus sik. I luk olsem ol i amamas long indai bilong em.

Sampela i tokim mi olsem ol i nogat mani yet long salim bodi bilong lapun i go long ples, o nogat mani long wokim funerel bilong em. Taim mi harim dispela mi lap nogut tru, bikos ol i bin tromoim planti mani long baim bia olgeta wiken na pilai kas, tasol long wokim funerel bilong lapun, ol i nogat mani.

Tupela nait nau mi harim meri i krai bikpela tru. Em i no krai bikos long indai bilong lapun man. Nogat. Em i krai bikos man bilong em i bin paitim em. Bilong wanem em i paitim meri? Bikos meri i no redim kaikai. Bilong wanem meri i no redim kaikai, bikos man i no givim mani long em long baim kaikai. Man i pinisim mani bilong em long baim bia na givim long olgeta manmeri i kam long bung.

Em i no tingim meri na pikinini bilong em. Em i wari long wanlain bilong em tasol. Em i tingim em i wokim stretpela pasin olgeta, bikos em i man. Bikos meri em i meri bilong em, olsem na em i ken mekim wanem samting long laik bilong em. Yu ting em i gat stretpela tingting a?

Long tingting bilong mi, yumi stap long wanpela kantri i gat bikpela kraisis o hevi i stap. Kraisis long lidasip. Kraisis long pasin bilong rispektim narapela. Planti manmeri i no soim rispek long narapela. Sampela bilong yumi i save amamas long kamapim trabel. Yumi laik wokim wanem samting long laik bilong yumi yet. Yumi tingim long yumi tasol, i no wari long narapela manmeri. Yumi nogat pret long God moa. Yumi pasim bel na tingting bilong yumi long pawa bilong God. Yumi yusim pawa bilong yumi yet. Sapos dispela kain pasin i stap long bel bilong yumi, yumi bai stap olsem tasol. Nogat senis.

Tasol mi gat bilip olsem, planti bilong yumi i laik stap gut na soim rispek bilong yumi long narapela. Sapos yumi soim rispek long narapela, olgeta samting bai kamap gut na stap long oda. Tingim stori bilong mi long Taipei, Taiwan las taim. (Wantok 4 Novemba 2010). Gutpela taim na gutpela laip bilong Taiwan i kamap bikos olgeta manmeri i stap aninit long mama lo bilong kantri, na rispektim mama lo gutpela tru.

Nau yumi go kamap long Taim bilong Adven na Krismas gen. Em i wanpela gutpela taim long lukluk bek long pasin bilong rispektim narapela narapela long laip bilong yumi.

PNG mas soim olsem em i Kristen kantri

Veronica Hatutasi i raitim

PNG i mas soim olsem em i wanpela Kristen kantri long pasin bilong em long famili, wok na sosaiti.

Dispela toktok i wanpela toktok bin kamaut strong long wanpela bung we Komyuniti Developmen Dipatmen i bin holim long bung wantaim ol koporet sponsa na tokaut long ol niuslain long wokabaut ol i

mekim tude long rausim pasin bilong paitim, bagarapim na rabisim ol meri long dispela kantri.

Long tude, PNG i wanpela long ol kantri long wol na Pasifik rijen i gat hevi long paitim na mekim nogut long ol meri.

Zachary Sitban bilong Komyuniti Engesmen wantaim Lo na Jastis Sekta i bin tok olsem "PNG i tok em i wanpela Kristen kantri i stap long Mama

Lo bilong dispela kantri. Na yumi mas bihainim na soim stret long pasin na stap bilong yumi olsem dispela toktok. Na wanpela long ol em paitim na bagarapim ol meri em yumi mas putim han wantaim na wok long daunim.

Na dispela wokabaut i kamap tude long soim olsem yumi mas daunim pasin bilong paitim na bagarapim meri em bai moa gutpela sapos planti

lain i bihainim," Mista Sitban i tok. Long wankain taim tu, Margaret O'Callaghan bilong UNIFEM i bin askim "watpo na Kristen kantri olsem PNG i wokim ol dispela samting olsem paitim na bagarapim ol meri? Em i tok dispela pasin i brukim lo na olsem, yumi mas putim han wantaim na toktok agensim dispela pasin nogut na tok nogat long em na rausim olgeta.

Joyce i stori long sik na wok bilong em

Veronica Hatutasi
i raitim

MERI Wantok i bin bungim Joyce Madu, meri husat i wok hat nau long karimaut ol wok awenes long kensa bilong susu na daunim dispela sik long PNG.

Misis Madu em i wanpela nes. Tenpela krismas i go pinis, em bin pilim wanpela solap long hap bilong susu na olsem dispela em i kensa bilong susu. Tasol em bin hariap kisim operesen na tude, em i stap laip. Na nau em i sanap olsem strongpela maus long toktok kisim awenes na skul long tok-save long ol meri long lukautim ol yet long kensa bilong susu.

Harim stori bilong Nes Joyce i stori wantaim Meri Wantok.

"Mi stap laip nau winim kensa bilong susu long yia 2001. Bikpela laik na wok mi mekim nau em long helpim ol narapela meri long daunim dispela sik i kamap olsem namba tu sik ol meri long PNG i save dai long em.

"Planti meri i no lukim olsem disepla em i bikpela sik bilong ol na olsem, dispela em i samt-ing bilong wari long en. Mi wok long toktok na sea wantaim ol narapela meri eksperiens bilong mi nas tu, rot we ol i ken sekim ol yet long dispela sik na kisim helpim bipo em i leit," Nes Joyce husat nau i wok wantaim City Pharmacy i tok.

Planti meri i kisim kensa bilong susu i wok long dai bikos ol i nogat save long dispela sik na ol i save stap isi tasol na dai.

"Planti i no klia long rot bilong sekim ol yet long kensa bilong susu, tasol yumi ken wokim samtung long haus sik bilong yumi yet long helpim ol meri bilong yumi. Planti i leit bikos yumi no wokim inap edukesen awenes long dispela sik. 6-pela yia nau mi wok wantaim Pot Mosbi Jenerel Haus sik long kirapim PNG Brest Kensa Faundesin.

"Yumi mas save long sekim susu bilong yumi long pilim sapos i gat solap, skusim o bengim nipel o ai bilong susu sapos wara i kapsait. Na sapos yu pilim solap o lukim susu, go kwiktai long haus sik long kisim helpim," Nes Joyce i tok.

Em i tok wanem hap ol i askim em long go long ol skul na ol pablik bung, Nes Joyce i save go aut mekim ol wok awenes.

Em i tok long dispela yia long mun Oktoba we i



MAUSMERI BILONG KENSA BILONG SUSU SIK: Nes Joyce Madu em i strongpela meri husat i wok hat long skulim ol meri long kensa bilong susu sik i stori wantaim Meri Wantok. *Poto: Veronica Hatutasi*

Susu bilong Kensa mun, ol bin karimaut awenes long kensa bilong susu long Mosbi siti na 97 meri i bin go wokim sekap. Na tupela long dispela i painim olsem ol i gat kensa bilong susu.

"Driman bilong mi em long wok na kisim ol awenes i go long eben na rurel eria. Dispela em wanpela samtung na mi strongim faundesin we nau i gat 4-pela working komiti long en. Tupela em ol nes na tupela em ol volandia. Olgeta i mekim ol edvokesi wok" Nes Joyce i tok.

Nes Joyce i tok ol i nogat ol data o ripot yet long hamas meri long PNG i dai pinis long

kensa bilong susu sik, tasol inap long mun Disemba las yia, ol i lukim 10-pela meri wantaim kensa bilong susu.

Sik kensa bilong susu em PNG i no bin save long em inap long ol yia long 1990's na 2000's.

Nes Joyce i tok olsem ol i no painim yet as bilong sik kensa bilong susu, tasol laipstail yumi gat tude long en na ol kain kaikai yumi kisim i wanpela long ol as. Na ol meri i gat krismas inap long 50 yia i go antap em sik kensa bilong susu i save kisim ol. Long sampela em i stap long famili blut we mama i gat na i givim long pikinini meri bilong em.

"Planti wok yet i stap long mekim olsem moa risets wok long 4-pela rijen bilong kantri na ol dispela wok painim i ken soim yumi rot bilong daunim mak long kisim dispela sik. Tasol ol ripot i soim olsem mak long ol meri i ksiim dispel sik na dai long em i wok long go antap.

"Mi laikim bai ol wan wan provins na haus sik i mekim ol wok program na awenes bilong sekim long kensa bilong susu olsem hap long ol helt program bilong ol long etresim dispela sik. Ol haus sik i mas gat masin ol i kolim long memogrem long sekim susu long kensa," Nes Joyce i tok.

Raun lukim ol Meri na Pikinini...



NRI KEIK: Tripela meri sumatin i mekim prektikel wok long Nesenel Risets Institut (NRI) wantaim pinis bilong yia lans keik. Long dispela lans, NRI i bin askim ol stekholda o patna na poroman husat i bin wok wantaim long dispela yia long sindaun long wanpela lans bung na amamas long Fraide Novemba 10. *Poto: Veronica Hatutasi*



OL NES I BUNG: Sampela long ol nes i bin bung long wanpela konpres bilong ol long Mosbi las wik.

Poto: Veronica Hatutasi

Ol meri Managalas groim moa fres kaikai

James Kila i raitim

OL MAMA long ol rurel ples long Papua Niugini i save hatwok tru long mekim wok long gaden na lukautim femili haus bilong ol long kamapim gutpela sindaun.

Planti taim famili i no save go hangre bikos mama i save stap long wokim gaden na kukim kaikai long givim femili.

Wantok Niuspepa i bin bungim sampela mama bilong Managalas long Afore lokal level gavman (LLG) insait long Noten Provins husat i save hatwok tru long wokim gaden na tu wasim ol plet, kap na lukautim haus long sait bilong kukim kaikai na wasim klos bilong ol femili.

Ol dispela mama save wokim ol gaden kaikai bilong ol long gutpela graun tru long Managalas maunten. Dispela ples i gat gutpela graun we i gat gutpela gris na kaikai i save kamap gut tru.

Long las wik ol mama long ol ples we i stap klostu



long Jorura long Managalas maunten i bringim ol fres gaden kaikai olsem kru sako, melon, painapol, kulau na tu ol banana, taro kongkong na yam i go salim long liklik viles maket long Jorura viles long salim long sampela lain bilong Mosbi husat i bin go stap long hap.

Ol dispela lain non-gavman ogenaiesin i bin go long ples Jorura long mekim toktok wantaim ol lokal pipel bilong Managalas long gutpela rot long lukautim bus, graun na wara bilong ol long sait bilong konsevesen. Ol lain husat i go long forum we i kamap

long Jorura viles long Managalas em ol lain bilong Partners with Melanesians, CELCOR, Dipatmen bilong Envairomen na Konsevesen, Nesenel Risets Institut na tupela niusman bilong NBC na *Wantok Niuspepa*.

Fres gaden kaikai i pulap

stret long dispela liklik maket, tasol ol dispela lain NGO husat i kisim balus long Mosbi na go long Popondetta i baim inap long skel bilong ol tasol bikos hevi bilong ol kaikai i antap tru na sori tumas ol i no inap karim olgeta ol dispela naispela kaikai i go long Mosbi.



Haitim giaman em as bilong korapsen

PASIN bilong strongim tok long banisim giaman o krangi pasin bilong yumi i kamap olsem wanpela bikpela pasin nau long planti manmeri na ol bikman bilong kantri tu.

Sapos yu mekim wanpela asua o rong pasin, yu no laik ol manmeri i tokim yu stret olsem yu asua. Ating yu no laik kisim sem o nem nogut long ai bilong ol arapela manmeri.

Olsem na pasin bilong tok no long haitim asua em isi long mekim.

Wanpela bikpela tok ol lida bilong yumi long haus palamen i save tok long banisim ol yet, maski ol pipel i ting ol i rong em, 'mi no asua yet inap Kot i tok'. Planti taim ol save tok, yu sutim tok nating.

Kain olsem long niuspepa ripot long Mande dispela wik, memba bilong Vanimo Grin na lida bilong PNG Pati Belden Namah, i tok Praim Minista Gren Sief Sir Michal Somare i traim long kisim ol polisman long holim em bikos long planti bikpela asua em tromoi antap long



planti sinia minista na ol lida long Gavman sait. Tasol tok bekim i kam long opis bilong Praim Minista i tok em giaman tok tasol.

Spika bilong Palamen Jeffery Nape i bin banisim em yet tu long toktok bilong Oposisen olsem planti mani bilong stretim haus Palamen i no stap stret na go stret long wok bilong stretim haus Palamen.

Kot haus long Taiwan bin tokaut olsem sampela bikman bilong Papua Niugini bin stap insait long kisim sampela milien dola i kam long Taiwan long stretim na kamapim wok poroman namel long PNG na Taiwan. Dispela em long mekim Taiwan i olsem wanpela luksave kantri long treid o wok bisnis na arapela wok poroman wantaim PNG. Tasol PNG Gavman i tok dispela em tok giaman tasol.

Plant i kain bikpela

bikpela toktok bilong hevi na paol pasin i bin kamap tasol ol lain we toktok i sut long ol i save banisim ol yet na tok dispela i no tru. Em samting bilong Kot long painimaut na tokaut sapos ol i asua o nogat. Planti taim Gavman na ol lida save tok, larim wok painimaut i kamap na soim tru sapos ol i asua o nogat.

Em long sait bilong ol lida, tasol long yumi ol liklik manmeri tu yumi save banisim yu yet gut tru long ol samting yumi mekim we i no stret. Maski yumi stil pinis, tasol yumi save tok, nogat mi no stilim wanpela samting. Maski yumi mekim pasin pamuk tasol yumi save tok, nogat mi no mekim dispela kain samting.

Wanpela rot tasol em long go long Kot na Kot yet mas sekim gut tru na painimaut long asua i stap o nogat.

Sampela taim planti bikpela man na ol mani lain i save winim Kot maski ol i mekim rong samting pinis. Bikos ol gat mani na biknem, ol gat mani bilong baim gutpela loya long

holim Kot bilong ol long haitim asua bilong ol. Sampela taim ol save pretim ol witnes husat save long rong bilong ol o sampela taim ol save givim hait mani long pasim maus bilong ol witnes bai ol noken toktok o kamaut long Kot.

Kainkain pasin olsem save stap olsem na ol bikman na mani lain save abrusim gut tru sas o mekimsave bilong Lo long asua bilong ol.

Wanem taim bai dispela kain pasin i senisim na yumi stat long tok stret olsem, yesa, mi asua. Yesa mi mekim dispela rong. Wanem taim bai yu ken tokaut stret na ol yangpela bilong yumi ken kisim sampela gutpela piksa na stia long dispela long bihain taim ol ken kamapim gutpela na klinpela komyuniti na sosaiti bilong yumi.

Korapsen o stil na bagarap pasin bai stap yet inap kain pasin bilong haitim giaman na asua bilong yumi i stop. Na yumi ken stat long tok tru na tokaut stret olsem yesa, mi asua long dispela.

WANTOK KOMENTRI

Holim strong graun, pinga bilong gavman i wokabaut

YU HUSAT asples manmeri i gat graun, yu mas holim strong.

Sapos yu no holim strong, pinga bilong gavman bai rausim long han bilong yu aninit long biknem 'wok developmen'.

Insait long bikpela mani plen bilong 2011, nesenel gavman i makim K102.5 milien bilong ol wok i sut long graun developmen.

K50 milien bilong dispela bai go long stretim na kirapim ol ekonomik korido o ol hap we gavman i ting em i gat strong bilong kirapim moa developmen long ol ples i stap klostu long en.

Tasol olsem wanem long ol arapela hap i stap longwe long ol dispela 'ekonomik korido'?

Taim gavman i autim baset las wik, Sekreteri bilong Nesenel Plening, Joseph Lelang, i tokaut olsem graun em i wanpela bikpela salens bilong gavman yet, bikos i gat planti hap graun we wok developmen i ken kamap long en, tasol i hat long opim ol dispela graun.

Nau, long kirapim moa wok developmen, gavman i tok em i laikim bai ol papagraun long kantri i opim graun bilong ol.

Tasol i bin gat askim i sut long dispela wok tu.

Dairekta bilong Nesenel Developmen Benk, Richard Maru i bin tok, olsem sapos gavman i laikim bai pipel i opim graun bilong ol, ol i mas kisim halivim long gavman.

Tok em i tromoi long ol opisal bilong nesenel plening na fainens na tresari, em i no nupela long ol asples papagraun bilong yumi.

Em i tok planti taim, long ol yia i go pinis, gavman i bin askim ol papagraun bilong opim graun bilong ol na givim i go long ol ausait bisnis manmeri.

Dispela i lukim ol i go insait long ol lis na sablis agrimen. Em nau, taim ol i mekim dispela, husat bisnis i kisim graun bilong ol, i ken holim i go inap 99 krismas olgeta.

Dispela em i longpela taim tumas long asples manmeri i lusim graun bilong ol.

Tude, we planti pasin bilong tumbuna i stap long graun, i gat moa hevi i ken kamap sapos ol papagraun i lusim graun bilong ol i go long ol waira man.

Inap long 99 krismas, bai ol i ken sindaun turangu, sapos bisnis i lisim graun i no givim inap luksave long baim dispela graun ol i lisim.

Sapos gavman i laik opim graun bilong developmen, ol i mas luksave long graun na strong bilong em insait long laip bilong ol pipel bilong yumi.

Sapos i nogat, bai ol asples papagraun bilong yumi i stap turangu yet. Na bikpela samting ol bai nogat, em graun bilong ol, we bai ol i ken save olsem ol i gat lek bilong sanap, na ples bilong sindaun.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive,

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS
from Radio Australia
radioaustralia.net.au



Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Vanuatu Palamen i surukim taim bilong vot

PALAMEN bilong Vanuatu i surukim taim gen bilong wanpela mosen long saspenim 5-pela long ol memba bilong en.

Ol i bin laik kamapim mosen long palamen tripela wik i go pinis.

Mosen ya i askim long ol i mas mekimsave long 5-pela MP bilong traim holim wanpela spesol bung bilong Haus, insait long laspela sesen bilong Palamen.

Dispela mosen i go pas long kamapim wanpela 'no konfidens mosen' o vot i nogat bilip agensim Paim Minista Edward Natapei.

Bihainim ol rul bilong Palamen, dispela mosen i bin stap long lista bilong 'dibet' long palamen long Trinde, tasol nau ol i surukim i go long narapela taim, tasol ol i no makim taim long en.

Dokta long Alice Springs i no laikim gavman program

WANPELA dokta long Noten Teritori i tok kamap bilong gavman long hap i no halivim helt bilong ol Aborijini pipel long hap.

Insait long dispela 5-pela yia i kam go pinis, Federal gavman na Noten Teritori Gavman i kirapim ol polisi olsem rausim ol komyuniti kansol na bilong pasim halivim mani long haus bilong ol.

Dokta Hilary Tyler bilong Alice Springs, i bin mekim dispela ol toktok long saintifik miting bilong Australasian College for Emergency Medicine insait long Kanbera, em ol i save holim long wan wan yia.

Reskiu lain i soim vidio piksa long ol famili memba

OL main reskiu atoriti insait long Nu Silan i soim wanpela vidio piksa bilong wanpela strongpela pairap insait long main em 29 maina nau i stap pas insait long Pike River kol main.

Philippa McDonald i ripot olsem ol bin soim dispela vidio i go long ol famili memba bilong ol maina insait long Greymouth taun, i stap klostu long main.

Piksa i soim strong bilong pairap i go long ol famili memba long soim ol olsem, em i no seif long salim wanpela reskiu lain i go insait long main.

Vidio piksa, em ol i rekodim long 52 sekons, i soim das na ol pipia i kam aut long main.

Na man i go pas long reskiu wok, superintendant Gary Knowles i tok lukaut olsem ol inap bungim moa pairap olsem.

Pastaim long en, ol i soim ol famili memba wanpela mep long main we ol i bilip ol man i mas pas i stap.

Australia 'vaccine' o banis sut bai ol i testim long Indonesia

WANPELA 'vaccine' o banis sut em ol i kamapim long pasim ol kain kain flu, bai ol i testim oa traim aut long Indonesia.

Ol risetsa na saintis long Australian National University i bin kamapim dispela banis sut, em ol i bilip bai kisim ples bilong flu veksinesen, em ol i save givim long ol manmeri olgeta yia.

Imiunolojis bilong ANU, Arno Mullbacher, i tok bai ol i stat long Indonesia bikos em i stap klostu long Australia.

"Mi save laikim bai wok bilong mi i mas halivim wanpela namba tri wol kantri wantaim wanpela banis sut we ol bai no inap long baim, olsem na Indonesia i kamap dispela kantri long traim dispela nupela banis sut."

Oposisen lida bilong Solomon Ailans i tok tenkyu long MP

SOLOMON Ailans Oposisen Lida, Steve Abana, i givim bikpela tenkyu long ol wok Piseris Minista bilong kantri i mekim, husat long dispela taim, i stap long kalabus.

Mista Abana i tok Jimmy Lusibaea i bin lidim ol tok-tok bung bilong kamapim ol tok orait bilong sasim

traipela mani long ol pising bot bilong ol arapela kantri husat i painim pis insait long Solomon Ailans.

Solomon Ailans Brodcasting Koporesen i ripot Mista Lusibaea nau i stap long polis kas-todi bihain long em i 'gilti' long givim bagarap long wanpela man na paitim wanpela polis-man long 2000.

Ol i sutim tok long em tu long sutim wanpela asples man, Robert Solo, long lek bilong en pastaim long em i paitim wanpela polis opisa. Kot bai givim disisen bilong en long dispela wik.

Fiji Polis i tok i tru long ol stilman i stilim mani

FIJI polis i tokaut olsem em i tru ol stilman long Singapo i bin stilim wan milian Fiji dola em ol i makim long 20 dola bilong Risev Benk bilong kantri.

Dispela tokaut i kamap bihainim kalabus bilong tuepla man bilong Singapo long las wik, bihain long wanpela bikpela wok painim em polis fos bilong Fiji, Singapo, Nu

Silan, Hong Kong, na Australia, i bin mekim.

Mausman bilong Fiji Polis, Fred Elbourne, i tokim Fiji Times ol i sasim pinis dispela tupela man bilong Singapo long stil na bilong haitim ol 'propeti' bilong narapela lain.

Ol i bin painimaut long dispela stil pasim long mun Septemba taim wanpela trak draiva long Suva wof i bin lukim mak long wanpela kontena olsem ol i bin brukim.

Long namel taim yet, Fainensal Intelijens Yunit bilong Fiji i opim Nesenel Anti-Mani Londaring Lening Senta long Suva.



National Fisheries Authority

Askim long ol Proposal bilong kisim mani halivim aninit long Piseris Projek Developmen Fan 2011

Nesenel Piseris Atoriti i askim olgeta atisenal o liklik pisamanmeri, ol pis fama na ol koporetiv sosaiti husat i wok mekim piseris developmen wok long givim ol Projek Developmen Fan (PDF) proposal bilong 2011 halivim mani. I gat tupela rot bilong kisim ol PDF mani i stap;

Kategori Namba Wan

Dispela mani i kam long Multilateral Piseris Tritt namel long ol Pasifik Ailan kantri na Yunaitet Stets bilong Amerika long kisim ol US pes sain flek sip i go insait long ol Eksklusiv Ekonomik Zon bilong ol Pasifik Ailan kantri. Ol dispela mani i go long wan wan ol Pasifik Ailan Kantri na Forum Piseris Ejensi (FFA) long Honiara, Solomon Ailans.

A. Komyuniti Piseris Program Sapot

Komyuniti Piseris Program, em bilong halivim ol bikpela komyuniti, we bai wok i no bilong kisim pe o winmani long en.

Husat i ken aplai:

- Ol Komyuniti bes piseris asosiesen o koporetiv

Mani bilong:

- Baim ol kapitel ikwipmen olsem pising gia, ais bokis na ol maketing wok samting olsem opis ikwipmen, ol samting bilong mekim pis pon, na ol arapela wankain.

Bikpela mak bilong wan wan projek:

- Ten Tausen Kina (K10,000)

Olgeta projek bilong kisim luksave na glasim:

- Tenpela (10) projek tasol bai kisim luksave. Kategori Namba Tu

Namba tu rot bilong kisim mani long Projek Developmen Fan (PDF) i kam long baset bilong NFA yet long halivim ol komyuniti pising projek aninit long piseris developmen sapot program.

B. Smol i go Midium Skel Enteprais Sapot

Mani bilong ol Smol i go Midium Skel Enteprais o wok bisnis husat bai kisim sapot na givim wanpela liklik hap i go long SME insait long piseris sekta, moa yet bilong baim ol kapitel samting we bai strongim wok bilong bisnis.

Husat i ken aplai?

- ol smol i go midium kampani we 100% onasip i stap wantaim ol asples manmeri
- SME we i wok insait long piseris sekta insait long las tripela yia
- SME wantaim 50% ekwiti kontribusen i go long samting ol i laik baim

Mani bilong:

- Baim kapitel ikwipmen o masin samting bilong strongim wokmak bilong bisnis

Bikpela manimak long wan wan projek:

- Twenti tausen kina (K20,000)

Olgeta projek bilong kisim luksave na glasim:

- Tenpela (10) projek bai kisim luksave.

Ol Jeneral Kondisen:

- Olgeta kapitel samting bai mas gat wanpela inoivis i kam long saplaia.
- I mas gat evidens bilong ekwiti kontribusen long sait bilong SME Sapot.
- Komitmen na strong bilong givim ol ripot bilong wok na pinis bilong wok long projek we mani halivim i go long en.
- Ol apliken i winim luksave i gat 28 de we bai ol i kisim tok orait bilong mani, na ol i mas yusim.
- Peimen bilong ol samting em PDF Stiaring Komiti bai salim i go stret long saplaia.
- Mani em i no bilong ol operesenal kos, bekim dinau o givim dinau.
- Olgeta aplikesen husat i no winim luksave bai go bek long ol apliken.
- Apropriat Aplikesen bilong proposal em i Project Identification Document (PID), Project Formulation Document Form (PFD). Sekim Provinsal Piseris Opis o NFA bilong kisim olgeta dispela pepa.

Long mekim mani i stap ples klia moa long ol piseris projek i ken kisim, wanpela **PDF Stiaring Komiti** i kamap pinis long menesim PDF bilong Papua Niugini. Komiti bai lukim ol mani em ol i yusim bihainim klia pasin na inap long glasim bihainim mani ol i yusim.

"PDF" i mas stap ples klia antap long olgeta proposal na i mas go stret long PDF Steering Committee, C/- National Fisheries Authority PO Box 2016, PORT MORESBY, National Capital District.

Olgeta proposal na askim long PDF i mas go long **Mis Welete Wararu**, Eksekutiv Menesa, Provinsal Sapot na Industri Developmen o yu ken ringim em long telepon namba: 309 0444 o 309 0843.

Olgeta submisin i mas kam pastaim long 30 Desemba, 2010.

Tok Orait i kam long:

SYLVESTER B. POKAJAM
Menesing Dairekta

Planti bikpela PNG kampani saplain lokal PNG maketKina stap bek long PNG

JAMES KILA i raitim

TAIM ol PNG Manufekseras i mov igo long pinis bilong dispela yia 2010, olgeta i laik tokaut olsem maski olsem i gat sampela liklik hevi insait long ekonomi bilong kantri, PNG ino bungim bikpela fainensol hevi em ol bikpela kantri i bin bungim. Sampela ol bikpela PNG fektori i wok long saplain expot maket o salim ol prodak bilong ol igo ovasis, tasol bikpela namba tru bilong ol bikpela kampani i gohet long saplain lokal maket.

Sif Eksekutiv Ofisa bilong Manufacturers Council of PNG, Chey Scovell i tok long dispela yet go het bilong ol bilding and konstraksin na gutpela prais i kamap long sait bilong agrikalsa ekonomi i bringim gutpela mani long planti ol pipel long Papua Niugini. Dispela i lukim gutpela mak bilong wok long sait bilong salim ol samting na lokal bisnis.

Sevises na infrastraksa olsem pawa, wara saplai, na trenspot i stap yet olsem hevi long sait bilong bisnis long PNG. Ol dispela samting i dia tumas long ol bisnis na liklik manmeri tu wantaim long yusim na planti taim ino save stap na tu ol i save kam wantaim ino gutpela kwaliti. Dispela i kamapim sampela hevi long ol lokal bisnis long ino wok strong tumas wankain olsem ol lain bisnis bilong narapela kantri we i stap klostu. Planti taim em i olsem strongpela sosel na ekonomik pawa ino save kamap long taim bilong raunsim ol netsurel risoses long graun. Strongpela gro bilong ekonomi na rot long kamapim gutpela na trupela developmen i save stap wantaim invesmen long daun-strim prosesing bilong ol netsural risoses na ino long daun-strim bilong agrikalsa komoditi wanaim mineral risoses. Long lukluk moa long dispela developmen, yumi mas save olsem developmen ino kam yet bikos long sapot bilong gavman long sait bilong kisim mani long sait bilong expot.

Ol lidas long kantri bilong yumi long nau yet i wok long givim moa taim bilong ol long nupela LNG projek long kantri. Taim dispela yia 2010 klostu bai i pinis nau, Kaunsil bai wok strong yet long traim senisim tingting bilong ol lidas na ol lain bilong mekim disisen olsem yumi mas yusim ol dispela kain ol bikpela projek long kamapim bikpela lokal indastri na ino ken tingting tasol long mani long sait bilong expot tasol. Mipela i lukim planti taim olsem ol dispela kain samting ino inap kamapim developmen.

Ol lokal bisnis i kisim toktok pinis olsem ol i mas resis long wankain pilai-graun olsem ol intanesinol fren bilong yumi olsem ol bikpela kantri olsem Amerika, Kanada, Nu Silan, Australia, Frens, Yunaited Kingdom na Jemani. Ol dispela kantri long ol las ten-pela krismas igo pinis i lusim ol bikpela fektori na indastri igo long ol Afrika na Esian kantri, husat i givim moa gutpela ples long kamapim bisnis. Ol dispela bikpela kantri i senisim ol dispela indastri wantaim ol sevis indastri, na em i gutpela long lukim olsem dispela dispela hevi long wok ekonomi i givim hevi long ol dispela bikpela kantri wantaim nogat planti ol samting bilong ol igo aut long maket na bringim veliu igo long indastri bilong ol.

Long neks yia Kaunsil bai lukluk igo fowat, wantaim intares, igo long gavman bihainim 40-Yia Plen long

strongim kantri. Kaunsil i gat bikpela intares tru long lukim wanem ol sapot sistem na ol gutpela wok plen i stap long strongim ol indastri we i save bringim veliu long en na l no ol dispela indastri we i save kisim tasol na liklik luksave tasol igo long agrikalsa.



Snax bisket bilong PNG save go long Saut Pasifik Ailan. Potos: James Kila



Ol prodak ol i wokim long PNG i gat gutpela kwaliti



Ol wok lain wokim toilet pepa long fektori long PNG

IFC kamapim gutpela kwal ilti Besta tinpis long PNG

JAMES KILA i raitim

STAT long namba wan taim tru International Food Corporation (IFC) i statim wok bilong en long 1992 long Malahang long Lae, Morobe provins, dispela kampani i go het yet long wokim na bringim kamaut biknem Besta tinpis na i go pas yet olsem wanpela prosesing kampani long PNG.

Kampani ya em namba wan fis kening kampani inasit long kantri na i go insait long wok operesin bilong en wantaim invesmen mani mak olsem K100 mil ien long 1997 bihainim plen bilong Gavman long promotim praivet sekta invesmen insait long kantri. IFC i bringim kamap planti gutpela samting long ikonomi bilong kantri na tu i givim wok long ol manmeri long kantri.

Nau yet IFC i gat moa long 400 wokman meri na insait long dispela namba em 98% em ol lokal lain bilong PNG. Long dispela namba bilong ol lokal lain, 95% em ol meri na dispela i soim olsem dispela kampani i go pas tru long givim wok long moa meri insait long kantri.

Ol bren mekerel tinpis em IFC i wokim long PNG na i save maketim em "Besta". Besta tinpis em blu mekerel na kwal iti bilong em i antap na i gutpela tru. Em i save kam long tupela kain tin em Netsurel Oil na Tomato sos. Ol i save pekim long 425 grem (15oz), 200 grem (7oz) na 155 grem (5.5 oz).

Sif Eksekutiv Ofisa bilong IFC, Rosedean Zaily, i tok olsem kampani i save mekim gutpela wok long lukim olsem ol prodak bilong en i go wantaim Federal Lo on Temali Proses Lou Esid Fud Pekej inait long Hemitikal i sil kontena. Dispela em ol spesel kontena we i seif na gutpela na tinpis i ken go orait long ol kastoma (21 CFR Pat 113).

Mista Zaily i tok dispela i min olsem kampani i save putim bikipela luksave long sait bilong kwal iti na i laik mekim olsem olgeta ol prodak bilong en i go wantaim wanem prodak lo i stap pinis, prodak kwaliti na bikipela samting em prodak "I seif long manmeri i kaikai".

Ol i save mekim ol tin bilong putim pis long fektori long Malahang yet na i save go long prodaksin lain insait long kening eria.

Ol wok lain i save redim gut pis (rausim ol bel bilong en), klinim gut na sekim gut kwaliti.

Ol pis we i redi gut pinis em ol save putim long tin, kukim gut gen, pulapim grevi na presa kuk long en. Long dispela hap, ol i save putim long kol na bihain ol i save pekim. Olgeta de, IFA kwaliti lain olsem ol inspekta i save sekim gut tru olsem prodak i go wantaim bikipela na gutpela stendet em ol pipel bilong PNG i laikim.

Ol pis na fainol prodak em ol wok lain i save sekim gut tru olgeta de long lukim olsem ol i teis gut, i gat gutpela kala long en na narapela ol samting i go wantaim gutpela kwaliti.

Kwaliti asurens sek save stat long taim pis i go long fektori na wanem ol samting ol i yusim long prosesing long stat bilong proses na olgeta taim wok long kwaliti i save stap i go igo inap ol i putim tinpis long selp long stua.

Ol dispela hap hap bilong pis em ol i no save tromoi long pipia long IFC. Wanpela K3.5 mil ien invesmen long fis mil pros-

esing plent na wanpela weist wara tritmen plent i soim bikipela wok na gutpela pasin IFC i putim long kamapim gutpela wok. Fis mil i save kam long ol fis of kat na sampela lain i laikim tu olsem em i gutpela kaikai bilong ol animol.

Mista Rosedean i tok long stat bilong dispela yia olsem, IFC i stat lukluk long kamapim wanpela tuna projek we i go wantaim gro o narapela bisnis bilong kampani. Kampani i plen long investim moa long K70 mil ien long namba wan developmen wok bilong projek, na long nau yet K10 mil ien em ol i putim pinis long projek.

Em i tok olsem wok long prosesim tuna long PNG yet i go wantaim polisi bilong Nesenel Gavman long lukim olsem ol kampani i mas inves long lokal prosesing long PNG.

Bihain long sampela taim wantaim dispela gro bikipela bilong prosesing plent em i ken go insait long tuna prodaksin.

Mista Rosedean i tok olsem 5% bilong tuna tinpis em ol i salim long lokal maket yet aninit long "Besta" bren na 95% tuna loin em ol i salim i go long ovasis maket.

Dispela fektri i soim ol wokman na meri stretim Besta tinpis long pekim long katen.



Nem 'Ramu' pairap yet wamtaim NBPOL Grup i kisim

PNG Meid Kempein

James Kila raitim

SAMPELA taim igo pinis Manufacturers Council of PNG wantaim ol memba bilong en i bin amamas tru long putimaut tripela (3-pela) nupela televisin edvataismen ol i mekim insait long PNG yet long promotim veli u long baim PNG Meid.

Taim i tingting long baim wanpela PNG Meid Prodak em yu mekim tingting bilong yu long wokim kamap gutpela PNG.

Ol dispela edvataismen i mekim gutpela yus long ol gutpela PNG Meid brend – em ol dispela we i gat gutpela mak bilong kwaliti na strongpela tingting igo long lain long PNG yet olsem dispela ol brend i gutpela na wanem samting ol baim e mol kwaliti prodak ol i wokim insait long PNG.

Coca-Cola Amatil, em wanpela strongpela sapota bilong ol lokal bisnis na sapota bilong kaunsil na ino long taim igo pinis em i kamapim naispela brend bilong Coke Prodak bilong en. Manufeksaras Kaunsil i laikim na i amamas tru long dispela bikpela koporet kampani long putim disain bilong PNG raunsim ol Ken tin dring bilong en.

Dispela ol edvataismen em PNG-MEID ol yet, taim ol i yusim PVM, na dispela ino inap kamap sapos nogat gutpela sapot i bin kam long Minista bilong Komes na Industri, Hon. Gabriel Kapris na Dipatmen Seketeri bilong en Mista Anton Kulit.

Sif Eksekutiv Ofisa bilong Manufekseras Kaunsil bilong PNG, Chey Scovell i luksave olsem wokim kamap bilong dispela ol edvataismen em i yusim bikpela mani tru na dispela samting ino inap kamap sapos ol helpim bilong K200,000 ino bin stap.

Mista Schovell i tok bikpela amamas igo long ol lain kampani husat i givim membasip fi long helpim long kamapim dispela edvataismen. Ol dispela kampani em SP Brewery, Coca-Cola Amatil, Colgate Palmolive, PNG Forest Products, Pacific Foam, Colourpack, Moore Printing na RD Tuna, husat namel long ol yet i bin givim helpim we i moa long K100,000 long helpim long kamapim dispela projek. Dispela em narapela gutpela eksampel long gutpela pasin bilong wok bung wantaim em ol lokal menufekesras o kampani husat i save mekim ol prodak i gohet yet long kamapim long PNG wanpela gutpela ples.

Mista Scovell i askim ol lain husat i ridim dispela long putim ai long wanpela bilong 3-pela edvataismen (wanpela long Tok Pisin) na askim ol long putim ai tu long PNG MEID logo. Dispela em mak bilong kwaliti, olsem na taim yu baim wanpela PNG Meid prodak, yum as save olsem yu mekim wanpela gutpela disesin long mekim PNG kamap wanpela gutpela ples.



Dr. Heagi Lovai i givim wanpela So Beg



Pablik Rilesins Ofisa bilong RAI – Sharon



Long taim bilong opim nupela Ragiampum Eid Pos long Markham Veli. Em wanpela projek bilong RAIL na ADB

RAMU Agri Indastris long Septemba 2008, em i kamapim ol wok long infrastraksa na ol sistem long mekim gut wok long strongim pasin na kalsa bilong wok olsem NBPOL.

Dispela nem o bren Ramu Sugar i stap pinis long mak bilong histori long Papua Niugini. Kampani i bin inkoporet nambawan taim tru long 1978 na i lukim namba wan taim long kisim suga long gaden bilong en long Ramu Sufar long 1982. Long nau yet Ramu Sugar em olgeta manmeri na femili long wan wan ol haus long Papua Niugini i save na save harim. Taim ol i harim dispela nem Ramu, wantu tasol ol i save tingim "Ramu". Bren bilong mipela i save bringim kamap kwaliti, gutpela prais na i gat veli long en.

RAIL i save sapotim Nesenel Dipatmen bilong Helt (NDoH) na Esian Dvelopmen Benk (ADB) wantaim ol helt progrem bilong en long Ramu wantaim bikpela as tingting long divelopim na kamapim gut wok long dispela ol projek we i go wantaim gutpela pasin na lo long divelopmen prinsipol bilong:

Gutpela pasin bilong wok insait long agrikalsa na fud prosesing

Lukautim gut bus, graun na wara
Luksave gut long sosel divelopmen

Gohet long kamapim yet gutpela wok

I no long taim i go pinis RAIL i bin amamas long wok klostu wantaim Morobe So Sosaiti olsem Blu Ribon Sponsa long 2010 Morobe So we i bin kamap gut tru.

Long mun Oktoba dispela yia, ol wokman bilong mipela long RAIL i bin mekim lukluk raun i go long Medikal Wod long Angau Memorial hausik na givimaut So Beg long ol lain husat i stap long wod. Ol lain long wod i amamas long dispela gutpela pasin na i tok tenkyu long gutpela pasin RAIL i soim.

Ramu Agri Industries i holim strong gutpela pasin bilong sastenabel Dvelopmen wantaim wanpela gol we i luksave olsem ol pikinini na tumbuna long bihain taim i ken kisim helpim long wanem wok ol lain long tude i mekim, olsem na mipela bai go het long lukautim gut ol risos, na daunim ol hevi i kamap long bus, graun na wara na go het long kamapim ol PNG Meid prodak. Long lukim olsem gol bilong sastenabol divelopmen i kamap mipela bai bungim gut na skelim stret lukluk i go long Pipel, Planet, na Profik long olgeta menesmen disisen bilong mipela.

TORO



BIABIA



KANAGE



TOKWIN

Wokim haus long Boina Tuna maket
Nupela Boina Tuna maket long 8-mail autsait long Mosbi i no gat haus long pasim san na ren na tu tebol long ol manmeri salim buai gut. Ol i sindaun long graun tasol long salim buai. Em krismas nau na sapos bikipela ren i kam tu-rangu ol lain bai hait we?. Nogut ol buai na daka tu i

doti long graun malumalu. NCD Gavana mas wokim samting stret!

Kongkong pulap long Oro Be
Ol Esian lain i pulap tru long Oro Be na go insait long timba bisnis wantaim ol lain bilong ples. Ol Esian long Oro i yusim ol seken hen kar i bruk daun planti na raun raun long hap i stap. Inap Foren Afes na Imaigresin lain i go sekim

gut wok bilong ol lain ya.

Air Niugini ofis pulap stret
Klostu taim bilong krismas holide na ol sels ofis bilong Air Niugini i pulap tru long ol manmeri husat i go long baim tiket long flai long balus. Longpela lain tru i mekim sampela lain husat i sanap long lain i laik pundaun stret.

Tokwin Tasol...

D	O	K	T	A	H	I	M	S	E	K	U	S	A	U	I	M
J	O	L	I	P	R	T	U	I	B	N	R	S	I	N	A	B
S	D	D	R	I	P	I	M	G	N	O	T	R	M	L	E	R
A	R	E	T	U	I	O	L	E	G	H	F	R	A	D	S	S
N	E	R	T	B	N	M	S	C	F	T	U	R	R	J	O	K
I	E	E	K	S	R	E	I	S	T	R	I	K	A	D	O	E
D	F	E	R	M	R	I	G	H	T	A	R	S	S	V	A	L
E	C	R	I	E	C	K	Y	R	E	B	E	P	I	Y	O	P
L	A	R	P	O	L	A	S	C	E	L	E	B	N	U	T	T
B	R	O	M	I	L	E	R	S	P	O	T	C	H	Y	I	T
A	U	T	P	E	S	E	N	T	R	U	A	B	A	I	T	E
O	L	S	E	R	N	A	G	O	L	O	D	R	U	S	E	B
T	C	R	I	P	P	M	L	E	R	F	D	S	H	K	O	K
I	S	M	A	M	A	K	A	R	I	M	D	O	W	E	R	I
E	O	P	I	M	C	F	S	T	R	U	T	N	B	E	I	S
T	A	S	K	O	I	L	V	B	R	E	T	E	N	S	A	R
A	P	L	S	U	T	A	E	B	L	U	T	S	O	D	O	W

PAINIM OL DISPELA TOKTOK BILONG HAUS SIK:

DOKTA	NES	SIK BET	MALARIA	KUS
MARASIN	NIDEL	TIETA	SUT	BLUT
OPERESEN	DRIP	HELTBUK	WOD	MAMA KARIM
AUTPESEN	SKEL	GLAS	EKSREI	BANIS

		9	8	7		3		2
6	5			3	9			1
	7							9
1	3		7	9	6	8		
		5				4		
		7	3	5	4		9	6
3							5	
5			4	6			7	8
7		6		2	8			

6	3	2	5	9	8	7	1	4
7	9	4	3	2	1	6	6	5
5	8	1	4	7	6	3	2	9
8	6	9	2	5	3	4	7	1
1	7	3	6	8	4	9	5	2
4	2	5	9	1	7	8	6	3
9	5	6	8	3	2	1	4	7
3	1	8	7	4	5	2	9	6
2	4	7	1	6	9	5	3	8

Ansa bilong las wik Sudoku

Ansa bilong las wik Pasol

S		R		K	I	K	O	P		S	V	O	B	W	O	C	
T				A					H	A	P	T	A	E	M		
Q					I						S						
R						D				H							
M							E		A	S	R	E	T	S	O	O	R
								S	R	E	S	I	T	T	S	E	W
S	T	H	G	I	N	K		S									
S		F			S				E						F		
S	E		A						E				S	U			
R		A		I					S	L			R	L	S		
O			E		N		N		S				E	T	G		
I				A		O				O			H	A	O		
R					G	L					C	T	I	D			
R				A	L						N	M	L				
A			R				E					A	O	L			
W	D						S					P		R	U		
				R	A	B	B	I	T	O	H	S				B	

EMTV Television Guide

5.00AM	G	JOYCE MEYER	6.30PM	G	A CURRENT AFFAIR	Religious program	(NEW SERIES)	3.00PM	G	MAGICAL TALES	
5.30AM	G	TODAY	7.00PM	G	TOK PIKSA	5.30AM	G	TODAY		HI-5	
9.00AM		<u>CLASSROOM BROADCAST</u>	7.27PM		EMTV TOK SAVE	9.00AM		<u>CLASSROOM BROADCAST</u>		THE PYRAMID	
9.20am	-	Grade 7 Mathematics	7.30PM	PG	SURVIVOR: NICARAGUA	9.20am	-	Grade 7 Mathematics	10.00PM	M	GREY'S ANATOMY
10.10am	-	Grade 7 Science	(NEW SERIES) - The 21st season of the groundbreaking reality series begins in Nicaragua with 20 castaways being divided into tribes according to their ages. The Espada tribe is made up of people over age 40, while the La Flor tribe consists of people ages 30. (2-HOUR SERIES PREMIERE)			10.10am	-	Grade 7 Science	11.00PM	G	EMTV NEWS REPLAY
11.00am	-	Grade 8 Mathematics				11.00am	-	Grade 8 Mathematics	11.30PM		AUSTRALIA NETWORK
11.50am	-	Grade 8 Science				11.50am	-	Grade 8 Science	<u>TRINDE, DISEMBA 1 2010</u>		
12.40pm	-	Grade 6 Mathematics				12.40pm	-	Grade 6 Mathematics			CRIME STOPPERS
1.30pm	-	Grade 6 Science				1.30pm	-	Grade 6 Science	4.59AM		STATION OPEN
2.30PM	-	DEPI Training				2.30PM	-	DEPI Training	5.00AM	G	JOYCE MEYER
<u>KIDS KONA</u>						<u>KIDS KONA</u>					Religious program
3.00PM	G	MAGICAL TALES	9.30PM	M	SEA PATROL	3.00PM	G	MAGICAL TALES	5.30AM	G	TODAY
3.30PM	G	HI-5	10.30PM	PG	PORTRAITS OF A NATION	3.30PM	G	HI-5	9.00AM		<u>EMTV PRIME TIME LINEUP</u>
4.00PM	G	THE PYRAMID	11.00PM	G	NATIONAL EMTV NEWS REPLAY	4.00PM	G	THE PYRAMID	9.20am	-	Grade 7 Mathematics
4.30PM	G	THE SHAK				4.30PM	G	THE SHAK	10.10am	-	Grade 7 Science
4.57PM	G	EMTV TOK SAVE	11.30PM		Australia Network	4.57PM	G	EMTV TOK SAVE	11.00am	-	Grade 8 Mathematics
5.29PM	G	EMTV NEWS UPDATE	<u>TUNDE , NOVEMBA 30 2010</u>			5.29PM	G	EMTV NEWS UPDATE	11.50am	-	Grade 8 Science
5.30PM	G	WHO WANTS TO BE A MILLIONAIRE - HOT SEAT				5.30PM	G	WHO WANTS TO BE A MILLIONAIRE - HOT SEAT	12.40pm	-	Grade 6 Mathematics
5.55PM		CRIME STOPPERS	4.59AM		STATION OPEN	6:00PM	G	NATIONAL EMTV NEWS	1.30pm	-	Grade 6 Science
6:00PM	G	NATIONAL EMTV NEWS	5.00AM	G	JOYCE MEYER	6.30PM	G	A CURRENT AFFAIR	2.30PM	-	DEPI Training
						8.00PM	M	ARMY WIVES	KIDS KONA		
									Ol Progem na Taim i ken senis...		

Managalas konsevesin wetim Afore LLG

....pipel laik lukautim bus, graun na wara....

James Kila i raitim

NAISPELA krai bilong nesenel pisin bilong Papua Niugini, kumul i kamap klostu tru o arere tasol long ples Jorura long Managalas maunten long moning na apinun.

Taim mi lukluk i go antap, mi ken lukim stret dispela kumul i sindaun long han bilong kapiak diwai na mekim save long singsing i stap.

Dispela krai bilong pisin i kamap wantaim gutpela kol-win bilong maunten na i mekim ples i stap sore na mi wari gen sapos bagarap i kamap long bus, graun bilong Managalas maunten dispela kumul, ol wail abus na ol enimal na binatang bilong bus bai go we?

Narapela spesel samting long dispela ples em bilong bataflai ol i Alexandria i save stap long dispela eria tasol long PNG. Dispela Alexandria bedwing bataflai em bikpela tru winim ol narapela bataflai long wol. PNG Gavman i tambu tru long kilim o holim dispela bataflai na ol i kolim em olsem endenjed spisis, na tambu i stap long noken kilim o bagarapim.

Mi wantaim narapela wan wok niusman bilong Nesenel Brodkasting Koporesin (NBC) na Kundu televisin, Dick Sorariba i bin kirap long bik moning tru na bihainim wanpela pren bilong mipela Raymond husat i soim mipela long rot i go long ples bilong waswas long wanpela riva klostu long Jorura viles long Managalas maunten.

Tru tumas, mipela i guria tru long lukim olsem dispela naispela ples long Managalas em i gat ol kaikai we i save gro long nambis na hailans i gro wantaim long dispela hap. Gris bilong graun long Managalas pleto i gutpela tru na ol samting olsem Arabika kopi bilong hailans na tu kapis, na kru sako na ol narapela kumu bilong hailans i gro gut tru long dispela eria.

Papa God i blesim tru dispela ples Managalas Pleto, na moa-beta ol pipel i mas was gut long bus, graun na wara bilong ol. Sapos ol i no lukautim gut na larim ol outsait lain long go katim diwai, wokim gol maining, ol bai bagarapim tru gutpela bus bilong ol na planti ol enimol na diwai bilong bus bai bagarap. Kumul pisin tu bai ronawe.

Long las wik mi wantaim Mista Sorariba bilong NBC i bin go olsem ol nius lain wantaim ol wokman meri bilong Partners with Melanesians, CELCOR, Nesenel Risets Institiut (NRI), UPNG na tu wanpela wok meri bilong Dipatmen bilong Enviromen na Konsevesin (DEC) long Managalas long stap insait long Distrik Forum bilong Managalas Pleto long Afore sab-distrik long Oro provins.

PwM, husat em wanpela



Singsing grup bilong Managalas i welkam long ol saveman bilong Mosbi long Managalas maunten. Poto: James Kila



PwM program menesa, Rufus Mahuru givim toktok long forum long Jorura viles.



Ol CBO mausman bilong Managalas i givim toktok.

nesenel konsevesin na komyuniti developmen NGO i wok klostu wantaim patna komyuniti bes ogenaiesin (CBO) ol i kolim Managalas Developmen Faundesin (MDF) insait long wanpela joint program we i wok long konsevesin na komyuniti developmen long Managalas Pleto.

Ol projek wok em PwM na MDF i wok long en i karamapim konsevesin na sastenabel fores menesmen o gutpela lukautim bilong bus, graun na wara na tu givim skul na save long ol lokal pipel bilong Managalas long yusim gut bus na graun bilong ol long stap gut na ol pikinini na tumbuna long bihain taim i ken yusim gen.

Long dispela forum long Jorura viles, ol saveman long wok bilong konsevesin na enviromen i givim planti gutpela toktok long ol lain bilong ples na ol lain CBO long Managalas long ol gutpela rot long lukautim bus bilong ol. Wanpela wok man bilong EFF, Samson Mark wantaim Rebecca Asigau bilong CELCOR i givim toktok long sait bilong Klaimet Senis, we nau em bikpela samting insait long wol tude em planti kanti i toktok planti tumas long en. Nalau Bigeding bilong NRI i givim toktok long sait bilong yusim gut graun (len menesmen) na wanpela wok meri bilong DEC, Rose Singadan i givim toktok long rot ol komyuniti i ken yusim long mekim eria bilong ol i kamap konsevesin eria.

Dispela forum i save kamap long olgeta yia long namba wan wik bilong mun Novemba we i save lukim PwM na MDF i save givim sans long ol lain CBO insait long Managalas long toktok na glasim wanem ol hevi o wok ol i laik lukim i kamap long eria bilong ol na tu painim wanem gutpela rot long stretim hevi.

Ol saveman na meri husat i bin go long Jorura long wod 9 givim

planti gutpela toktok we ol lain husat makim ol 10-pela CBO insait long Managalas i amamas long harim na tu i givim ol salens long lukautim bus, graun na wara bilong ol long Managalas Pleto (maunten).

Planti ol komyuniti lida husat i bin go long dispela forum o kibung long Jorura viles i tokaut olsem ol i laik konsevesin i mas kamap long Managalas.

Tasol, i gat sampela toktok i kamap tu olsem sampela lain i hait tasol na toktok wantaim sampela outsait lain o kampani bilong ovasis long painim gol long Managalas.

I gat bikpela poreit tru i stap olsem sapos gol main o oil pam developmen i kamap long dispela eria long Managalas em bai bagarapim tru gutpela bus, graun na wara em nau ol manmeri i amamas long en wantaim ol wail abus na pisin na binatang bilong bus.

Narapela samting tu we planti ol lain i no amamas tumas long dispela forum o kibung long Jorura em LLG presiden bilong Afore distrik, Douglas Garawa i no bin stap long dispela miting.

Meri long DEC, Misis Segidan i tokaut olsem sapos Managalas i laik kisim konsevesin pepa i tok orait long bus na graun bilong en i kamap konsevesin eria orait Afore LLG i mas sainim pepa we ol narapela i sainim pinis long gavman i ken luksave.

Planti ol mausman bilong ol CBO long dispela kibung long Jorura i no amamas tumas long Mista Garawa, husat nau em deputi gavana bilong Oro, long pasin em i mekim long i no bin stap long miting.

Tru tumas, dispela naispela bus na graun bilong Managalas Pleto we i karamapim 360.000 hekta em naispela tru na sapos wok bilong timba na gol projek i kamap em bai bagarapim. Olsem na ol pipel i mas sanap strong na mekim konsevesin wok i gohet long dispela eria.



Rurel viles long Managalas maunten. Ol Poto: James Kila

Pilai laki kas long winim 50-toea plet rais

James Kila i raitim

PLANTI kain kain stail na pasin i stap long ol rurel ples na haus-lain insait long Papua Niugini.

Long ol ples we nogat luk-save bilong gavman i stap long helpim ol rurel pipel, ol manmeri yet i save kamap wantaim kain kain ol samting na projek long helpim sindaun bilong ol long ples na haus lain we ol i stap long en.

Las wik, mi bin wok raun i go long bus-ples tru long maunten bilong Managalas Pleto long Afore lokal level gavman (LLG) eria insait long Oro provins.

Ol gutpela lain bilong *Partners with Melanesians* i bin redim rot bilong mi long go kisim ripot long wanpela distrik kibung we i bin kamap long Jorura viles long wod 9 bilong Afore LLG.

Mi bin slip long wanpela liklik haus boi bilong wanpela boi bilong Jorura viles. Liklik haus ya i gat wanpela rum tasol na mi wantaim narapela niusman bilong NBC na Kundu TV, Dick Sorariba i serim dispela rum.

Pasin bilong man husat i lukautim mipela, Raymond wantaim mama bilong em long Jorura viles i gutpela tru. Mi wantaim Dick i givim bikpela tok tenkyu long ol bikos olgeta de, rop buai save stap long haus na tu suga kein na kulau i save stap. Mipela i save kaikai long moning, belo na tu long nait.

Wanpela nait, mipela i leit long kaikai na mama bilong Raymond i kukim banana long paia na mipela i mekim save wantaim kru sako na suga kein. Taim mi slip, tru tumas mi lukim gutpela dri-man tru.

Dispela distrik forum o kibung long Jorura viles i lukim planti lain long ol liklik ples klostu i go long Jorura na olgeta de maket i save kamap arere long ples long salim ol kain kain fres kaikai. Ol mama i karim melon, kukamba, kulau, pinat na ol narapela frut na kumu i kam salim. Ol i bringim tu ol abus olsem simuk mit bilong pik i go salim.

50-toea laki kas long winim plet rais

Wanpela apinun bihain long kibung i pinis, mi tingting



LAKI KAS: Ol ples lain long Jorura i traim laki long kas long winim plet rais. Ol i betim 50-toea na wina bai kisim plet rais. *Ol Poto: James Kila*



BUAI PES: Liklik boi bilong kaikai buai stret long Jorura viles, Mike Charlie i mekim save long kaikai buai.



PIK RAUN: Ples stail stret we i lukim pik na ol man na pikinini raun long Jorura.

long painim buai long liklik maket long Jorura na mi wok-about i go. Taim mi kamap long maket, mi lukim olsem planti ol lain i bung long wanpela bet we ol mama i save salim kaikai. Antap long dispela tebol mi lukim wanpela bikpela sospen i stap na sampela plet i lain long sait.

Mi no bisi tumas na mi wok-about yet i go, tasol taim mi lukluk gut, mi lukim wanpela man i tilim kas na putim long sampela lain husat i sanap raunim bet ya. Em nau, ol lain ya i pilai kas ya. Taim mi lukim olsem mi go sanap klostu na lukluk long ol i pilai.

Tru tumas, wanem samting mi lukim i no fani. Ol lain ya i betim 50-toea na pilai long winim wanpela plet rais.

Wanpela mama i kukim rais na kukim tinpis wantaim kumu na bringim i go na ol lain long maket i go betim 50-toea na pilai kas gem ol i kolim '3 Lip'. Wina bilong gem em man o meri husat i gat bikpela namba.

Olgeta lain i amamas long pilai, na taim mi stap yet wanpela wina i gat olgeta kas bilong em piksa na bagaros ya i win. Em i smail wantaim na tokim mi long kisim piksa bilong em.

Bus marasin 'salat' long stopim pen.

Dispela kibung o miting long Jorura i lukim ol lain Komyuniti Bes ogenaesisin

(CBO) i kam long longwe ples insait long Managalas Pleto. Planti i wokabout long-pela rot tru na lek bilong ol i tait. Na taim ol i sindaun long miting, masol long bodi bilong ol tu i pen. Olsem na taim miting i gohet yet, sampela lain i go tasol long bus na katim ol lip salat na bringim i go long ples bilong miting.

Ol i bungim ol salat long namel long bung, na husat man o meri i pilip bodi bilong em i pen, em i ken kisim wanpela lip salat na paitim tasol long skin o masol bilong ol. Yes, dispela em tumbuna marasin o samting long daunim pen long bodi. Ol pipel bilong Managalas na tu nara-pela hap bilong PNG i yusim yet long stopim baksait pen na ol narapela eria long bodi bilong ol

Liklik bikman Mike Charlie

Long wan wan ples insait long ol viles long PNG, sampela lain i gat stail bilong ol yet em ol manmeri long ples i save stori long en.

Long Jorura viles long Managalas, mi bungim wanpela liklik boi nem bilong em Mike Charlie. Em i mas 12 krismas samting. Em i lusim skul na save stap nating long ples na raun raun i stap. Tasol dispela mangi i gat stail na pasin bilong em stret.

Boi ya em wanpela 'liklik bikman'. Em liklik bikman bikos olgeta taim bagaros ya i no save sot long buai na daka long liklik beg bilong em.

Planti taim ol bikman long ples i save sot long buai na daka, tasol Mike i save gat buai na daka yet i pulap i stap long liklik beg bilong em. Sampela taim ol bikman i save sot na i save askim em long givim ol.

Mike i stori long *Wantok Niuspepa* olsem em i save kisim ol saplai buai long lain buai bilong papa bilong em na tumbuna. Em i tok olgeta moning em i save go na kisim saplai bilong em na karim raun.

Tru tumas, tit bilong Mike em ros pinis olsem lapun, tasol bagaros i no save wari, em rurel boi bilong ples na pasin em karim. Sapos ol lain i sot, ol save tingim em tasol na go askim.

Raun wantaim Kanage olgeta wik

Maunten paia na Sepik wara

Kanage i bilong Enga, tasol em save wokabaut raun wantaim ol wan wara bilong em, ol Sepik. Wanpela taim em bungim wanpela meri Tolai na askim em, "Tobras, maunten paia i lait yet o dai pinis?" Meri Tolai ya save long kain toktok bilong Kanage na em belhat bekim, "Sapos maunten paia i paia yet, bai yu wokim wanem samting?" Kanage lap na tok, "Mi laik save tasol. Sapos em i lait yet, bai mi tokim ol wan wara bilong mi long kisim sampela Sepik wara na kapsaitim antap long paia."

Kanage Tasol Waigani



Kompensesen

Kanage pinis wok na go kalap long bas go long haus. Taim em go insait long bas, han bilong em krangi liklik na pas long susu bilong wanpela meri. Kanage tanim lukim meri ya na sem nogut tru. Bas go stop long bas stop klostu long haus bilong Kanage na em kam autsait. Em laik wokabaut go na meri ya singaut long em long sanap. Meri ya kam long Kanage na tok, "Bras, noken wari o sem. Mi save olsem yu abrus na

holim mi. Tasol sapos yu bin traim long holim tru tru, tingim olsem yu holim klos ya, han bilong yu i no holim mi stret." Kanage harim na askim, "Na sapos han i holim stret?" Meri ya bekim, "Yu ting mi bai mari-mari long yu. Man, bai mi askim yu long baim kompensesen wantaim bodi bilong yu."

Turu Tumas Lae

Ol skwat!

Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: atolire@wantok.com.pg

Raun wantaim marit man

Dia Laiplain

Mi WOK long pren wantaim wanpela marit man long 4-pela yia nau. Sampela taim em i gat hevi wantaim meri bilong em, em i save kam long mi long kisim sapot na helpim em i daunim hevi na wari em i gat long en.

Taim em i kam long mi, em save komplen long ol samting meri bilong em i wokim em no laikim, olsem:

1. Meri i no save laikim ol famili bilong man i go long haus;
 2. Larim tasol famili bilong em i go long haus bilong mipela na ol i ken stap long sampela wik na mun;
 3. No save long toktok gut na stretim hevi, tasol kros singaut na go.
- Mi traim long etvaisim em long noken ronawe long ol hevi bilong em, tasol long luksave long ol na wokim samting long senis. Em i tokim mi olsem em isi long em i toktok long mi tasol i no long meri bilong em. Tupela ik nogat pikinini tasol ol i lukautim wanpela na ol i lukautim insait long 6-pela yia nau.
- Bihain long sampela mun, mi gat bel long em. Tasol taim mi tokim em olsem mi gat bel, em i pret na tokim mi long gat abosen o rausim bebi long bel. Mi wari taim em i tokim mi olsem bikos mi bin ting olsem em i laikim mi na pren-pasin bilong mitupela i strong. Tasol bebi i bin bagarap.

Bihain long 6-pela mun, mi bin gat bel gen long en. Taim mi tokim em, em bin wokim wankain toktok gen na tok bihain long mi karim bebi, em bai toksave. Em toke m bai kisim akaun namba bilong mi na em bai save putim sampela mani bilong bebi i go insait long en. Tasol mi karim pinis bebi na em no putim wanpela mani long beng akaun na tu, em no kam lukim mipela o ring na sekim bebi olsem wanem?

**Plis helpim mi.
Cheated, Lied & Used**

Dia Pren,
Tenkyu long serim wari bilong yu wan-



taim mipela. Mipela i sori tru long ritim long 4-pela yia yu raun wantaim marit man husat yu bin ting olsem yu laikim tumas.

Pren, mipela i save kisim planti pas long ol yangpela meri olsem yu husat i save wokim prenpasin na raun wantaim ol single na ol marit man. Ol i save ting olsem em i stret bikos ol i gat bikipela laik o bikos ol narapela poroman bilong ol i wokim dispela, ol tu i laik wokim wankain. Ol i no luksave olsem slip wantaim wanpela narapela i samting we tupela man na meri i komitim ol yet long en na ol i stap insait long marit laip.

Yu tokim mipela olsem taim yu pren wantaim dispela marit man, yu wok long helpim em long daunim ol hevi em i gat wantaim meri bilong em, tasol lon g sait, em i wok long slip wantaim yu. Yu bin autim ol sampela as we em i save kam long yu. Ating, yu mas stap isi na tingting na glasim wanem samting yu mekim inap nau wantaim em.

Yu ting olsem yu toktok na mekim gutpela long en, tokim em long noken ronawe long ol hevi na givim bodi bilong yu i go long en long amamasim em bai helpim em long lukim na stretim hevi em i gat long en? Yu tingim, dispela em stretpela samting long mekim?

Pren, sapos yu laikim em tumas, i moabeta yu noken slip moa wantaim em. Yu save tu olsem yu wok long strongim tingting bilong em long ronawe long meri bilong em olgeta taim em i bungim hevi? Tingim, em i wok long yusim yu long karamapim em yet long ol samting em i feil long mekim. Em i yusim yu tu long amamasim em yet. Yu laikim bai em i yusim yu olgeta taim laik bilong em i kirap? Yu save tingting tu olsem meri bilong em i ken sasim yu long adaltri o slip wantaim marit man na

kisim yu i go long kot sapos em i painimaut long yutupela?

Mipela i tokm tenkyu long yu long strongim yu yet long serim wari bilong yu wantaim mipela na askim long helpim bipo em i leit. Taim yu luksave olsem yu gat hevi em i namba wan rot long wok bilong stretim hevi. Pren, yumi olgeta i save mekim asua long laip na em i no leit tumas long wokim disisen long situesen bilong yu. Mipela i enkarijim o strongim yu long fokasim ol gol bilong yu long rait daireksen na bihain taim yu go long en.

Mipela i luksave long pilings bilong yu long wanem, dispela marit man i mas mekim yu bilip olsem prensip bilong yutupela i go gut.


Mipela i bilip nau bai yu luksave olsem sampela marit man i wok long paul wantaim ol narapela meri long amamasim laik bilong ol yet. Ol nogat laik pasin, tasol ol i laikim samting bilong bodi, skin na amamasim ol yet. Tasol ol yangpela meri, ol singel mama na ol marit meri tu i save pondaun long ol trik bilong ol dispela marit man.

Wantaim ol dispela toktok mipela i lusim yu na bilip olsem wantaim helpim bilong Bikman, yu bai kisim gutpela tingting, glasim na skelim laip bilong yu wantaim dispela marit man na mekim disisen na bai yu ken muv i go fowed long gutpela rot.

Laiplain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laiplain



NEM: Lopecii Loapa
KRISMAS: 17(man)
ADRES: PNG Bible Church, P.O Box 363, Mendi, S.H.P
SAVE LAIKIM: Pilai volibol, harim musik.

NEM: Ronda Elmale
KRISMAS: 20 (meri)
ADRES: Pes Catholic Mission, P.O.Box 179, Aitape Sandaun Provins
SAVE LAIKIM: Go lotu, mekim pani, lukim TV na mekim pen pal

NEM: Mariatha Seilupe
KRISMAS: 27 (meri)
ADRES: Pes Catholic Mission, P.O Box, 179 Aitape, Sandaun provins
SAVE LAIKIM: Mekim pani, go lotu, pilai soka na volibol, harim musik na lukim TV

NEM: Ronald Wama
KRISMAS: 25 (man)
ADRES: C/-B.E.F, P.O.Box 84, Maprik, E.S.P
SAVE LAIKIM: Kompyuta study, Accounting study, Economics stadi, pilai spot, mekim pren na go lotu.

NEM: Karl Giri
KRISMAS: 36 (man)
ADRES: Semoroks Gospel Club, P.O.Box 3368, Lae, Morobe Provins
SAVE LAIKIM: pilai lid gita, komposim na singsing long God, painim meri lotu long helpim long singsing.

NEM: Mary -Grace Walete
KRISMAS: 19 (meri)
ADRES: Pes Primary School, P.O.Box 36, Aitape, Sandaun Provins
SAVE LAIKIM: lukim TV, harim musik, go lotu, pilai soka na basketbol, mekim pani

NEM: Keiken Elmale
KRISMAS: 24 (man)
ADRES: Pes Primary School, P.O.Box 36, Aitape, Sandaun Provins
SAVE LAIKIM: Mekim pani, pilai soka, harim musik na lukim TV

NEM: Franklyn Wamo
KRISMAS: 26 (meri)
ADRES: Pes Primary School, P.O.Box 36, Aitape, Sandaun Provins
SAVE LAIKIM: Mekim pani, go lotu, pilai soka, harim musik na lukim tv

NEM: Annie Mary Yuwei
KRISMAS: 20 (meri)
ADRES: Pes Primary school, P.O.Box 36, Aitape, Sandaun Provins
SAVE LAIKIM: Pilai soka, volibol, mekim pani, go lotu, harim musik na lukim tv

NEM: Amos Geyamme
KRISMAS: 23 (man)
ADRES: Guyata Elementary School, P.O.Box 386, Eriku, Morobe Provins
SAVE LAIKIM: Pilai soka, ritim buk na go lotu

Gavman mas karimaut Mani Plen

EM i gutpela Minista bilong Fainens na Tresari Peter O'Neill i tok aut long 2011 Mani Plen tasol bikpela samting em gavman i mas karimaut dispela mani plen.

Em i no ken toktok nating na nogat wok i kamap o i yusim mani long ol hap we em i no makim long em.

Bikpela nem akaunting kampani Deloitte Touche Tohnatsu i mekim dispela tok long taim em i tokaut long tingting bilong em long 2011 mani plen.

Long planti samting ol manmeri i ken tok dispela mani plen i olsem "em i go isi olsem em i save go long em" na dispela i bihainim kain tingting gavman i gat long em i bin kamapim ol narapela

mani plen.

Het tok bilog K9.3 bilion 2011 mani plen em 'Kamapim ol samting bilong strongim ikonomi'.

Wankain olsem ol narapela mani plen gavman i kamapim dispela plen long em bai kisim moa mani long 2011.

Em i tok Saplimentari Baset i kamap bikos gavman i kisim moa long plen em i bin kamap wantaim long em.

Bihainim tupela developmen baset bilong em gavman long dispela tai mi kamapim narapela mani plen em i lukluk long developmen.

Na long lukim olsem gavman i karimaut mani plen Mista O'Neill i tok bihain long wan wan mun opis bilong em bai skelim sapos gavman i mekim wok long ol hap we

em i mas mekim long em.

Taim yet bai soim sapos ol i wok i kamap.

Em i no ken mekim olsem em i mekim long 2009 Mani Plen we em i kamapim K202.4 milion seples tasol bihain long em i yusim mani dispela yia i sot long K478.5 milion.

Dispela em i lus K600 milion.

Ol hevi bilong rent bilong ol haus, prais bilong ol stua guds na sevis bai go antap.

Gavman i mas painim rot long stretim dispela ol hevi tu, kampani i tok.

Em i tok gavman i no tok-tok tu long kamapim ol nupela ol takis tasol em samting nogut em bai toktok long em sapos sas bilong ol samting i go antap.

Papagraun kampani laik kaikaim narapela brata kampani

Paul Zuvani i raitim

WANPELA papagraun kampani long Sauten Hailans Provins laik kisim kot long narapela papagraun kampani.

Gaiya Risoses Invesmen Ltd long Gobe i laik kotim Lanco Kampani bilong Kiki Risose Sevis Limited.

Gaiya Risoses Invesmen i tok i no longtaim i go pinis inap olsem K4.1 milion em Dipatmen bilong Komes na

Indastri i givim long Lanco kampani na kampani i kisim mani long BSP Benk long taun.

Long wankain de kampani i kisim mani na bekim ol dinau mani em i kisim long ol strit na narapela K1.3 milion em ol putim i go insait long pesinel akaun bilong ol.

Long wanpela toksave Gaiya Risoses Invesmen i kamapim em i tok hevi bilong dispela mani we Dipatmen bilong Komes na Indastri i

givim bai ol bai passim ol bilong wel long Gobe petroleum developmen laisens (PDL) 4.

Invesmen i tok Dipatmen i givim dispela mani long taim wanpela Kot Oda we i stap bipo long Jastis Amben Kandakasi i passim go aut bilong dispela ol mani long luksave husat i tru tru papagraun.

Long dispela as Invesmen i tok Dipatmen wantaim Lanco i go agens long Oda bilong Kot na olsem i mekim asua.



AMAMAS: BSP Moro tim na ol memba bilong komyuniti i amamas bihain long benk i givim projek i go long Waro Praimeri skul.

BSP mekim senis long komyuniti

BSP komyuniti projek i wok long mekim planti senis long ol komyuniti long Papua Niugini long dispela taim.

Long ol wik i go pinis foapela komyuniti projek i bin kamap long Alotau (Milen Be Provins), Lihir (Nu Ailan), Moro (Sauten Hailans) na Kokopo (Is Nu Briten).

Dispela foapela, bungim wantaim i mekim 31 long namba bilong ol projek BSP komyuniti projek i kamapim 2010 na dispela i kisim tu tripela moa projek we i wet long kamap.

Long Lihir, ol sumatin bilong Londolovit Elementari Skul nau i amamas long

lainim ol nupela samting bihain long kamap bilong nupela dabol klasrum bilong ol.

Long Moro, 210 boding sumatin long Waro Praimeri Skul nau i gat nupela haus kaikai wantaim nupela tebol bilong kaikai, sia bilong sindaun wantaim nupela wara tang.

Long Alotau, benk i kamapim nupela Kensa Wod long Mosbi Jeneral Haus sik, wantaim nupela siling, waia bilong pawa, windua wantaim frem, flai-waia, dua nupela ol pen.

Long pinisim wok em i kamapim ea kondisen yunit long haus sik tu.

Long Kokopo, Benk i

givim 20 nupela desk na tebol wantaim sia long Kurapa Elementari Skul.

Ol menesa bilong BSP long dispela ol hap i amamas olsem benk i bin inap long helpim ol komyuniti.

"Wok wantaim komyuniti i gutpela long wanem dispela i mekim komyuniti i pilim benk i wanpela samting bilong ol.

"Na olsem ol bai redi long helpim benk sapos hevi i kamap.

Benk i tok dispela ol projek bai go het aninit long BSP lukautim komyuniti program na wan wan yia benk i makim K1 milion long karimaut dispela ol projek.



Pablik Notis

SUPARENUESEN KONTRIBUSEN BILONG OL KESUAL WOKMANMERI

Sapos yu wanpela kesual o ansileri staf o wokmanmeri i holim dispela wok moa long tripela mun na yu stap long peirol moa long tripela mun, aninit long Lo, yu mas givim kontribusen i go long Suparenuesen bilong bihain taim bilong yu.

Lo bilong Suparenuesen i karamapim olgeta wok bisnis we i gat moa long 15 wokmanmeri, na olgeta wokmanmeri i mas kontribut long wanpela Suparenuesen Fan bihain long ol i wok tripela mun na i go het, maski ol i kesual, o ansilari wokman. Dispela em wanpela luksave mak tasol.

Sapos yu wok moa long tripela mun olsem wanpela pamanen, kesual o ansilari wokmanmeri, tasol i no wok kontribut long sevis bilong yu, yu mas kwiktaim toksave long Human Risos o Peirol opisa bilong yu long stat kontribut i go long Nambawan Super Limited. (Tingim olsem long olgeta wan kina yu kontribut, kampani i mas givim K1.40 long makim yu). Olsem, ol kontribusen; em bisnis/kampani bai peim 8.4% na ol wokmanmeri bai peim 6%. Mipela i laik tokim ol bisnis/kampani husat i gat aninit long 15-pela wokmanmeri long kontribut i kam long Nambawan Super Limited. Sapos yu (bisnis/kampani) i no bihainim dispela Suparenuesen Lo, bai i gat penalti na yu ken kamap long kot.

Tok orait i kam long

**Leon Buskens
Menesing Dairekta**

Long kisim moa toksave, yu ken ringim ol dispela lain:

HEAD HEADQUARTERS Ground Floor, Era Rumana P.O. Box 483, Port Moresby National Capital District Ph: 309 5311 Fax: 321 4406 Email: rspom@nambawansuper.com.pg	MOMASE REGION - LAE Ground Floor, Vale Rumana PO Box 1289, Lae, Morobe Province Ph: 472 2272 Fax: 472 4536 Email: nslee@nambawansuper.com.pg	HIGHLANDS REGION - MT HAGEN Suite 1, Ground Floor, Gapina Building, PO Box 1574, Mt Hagen, Western Highlands Province Ph: 542 1182 Fax: 542 1186 Email: nslhagen@nambawansuper.com.pg	NEW GUINEA ISLANDS REGION - KOKOPO Sec 6 Lot 19, Togigira Street, Kokopo PO Box 808, Kokopo, East New Britain Province Ph: 982 8900 Fax: 982 8901 Email: nsibraball@nambawansuper.com.pg	Nambawan Super Goroka Suite 32, Level 1, Gouna Centre, Elizabeth Street P.O. Box 757, Goroka, Eastern Highlands Province Ph: 532 1224 Fax: 532 1918 Email: nsigoroka@nambawansuper.com.pg	Nambawan Super Alotau Ground Level, Chescorp Building, Sec 21 Lot 10 P.O. Box 727, Alotau, Milne Bay Province Ph: 641 0671 Fax: 641 0587 Email: nsialotau@nambawansuper.com.pg	Nambawan Super Buka Suite 2, Level 1, Matanhei Building, P.O. Box 19, Buka, Autonomous Region Bougainville Ph: 973 9801 Fax: 973 982 Email: nsibuka@nambawansuper.com.pg	Nambawan Super Madang Suite 14, Level 1, Beckslea Plaza, P.O. Box 142, Madang Madang Province Ph: 422 0244 Fax: 422 0256 Email: nsimadang@nambawansuper.com.pg	Nambawan Super Kavieng Ground Floor, Durima Building, P.O. Box 567, Kavieng New Ireland Province Ph: 984 2611 Fax: 984 2612 Email: nskavieng@nambawansuper.com.pg	Nambawan Super Kimbe Level 1, Hamamas Trading Building, P.O. Box 593, Kimbe West New Britain Ph: 983 5450 Fax: 983 5101 Email: nskimb@nambawansuper.com.pg
---	--	--	---	--	---	---	---	--	--

Rurel Managalas fama groim lombo long salim

OL RUREL fama insait long Managalas maunten long Afore lokal level gavman (LLG) Oro provins i stat long groim lombo o sili long salim na kisim mani

Ol i amamas bikos wanpela lokal baiya, Allan Mesa i save go insait long rurel eria bilong ol na baim ol lombo bilong ol. Maket i stap long haus-dua bilong ol na planti fama i amamas tru long Mista Mesa.

Plantu ol fama i groim lombo long gaden na bihain ol i save karim i go long ples na draim long bet antap long graun.

Wantok Niuspepa i bin lukim dispela wok bilong groim sili long Jorura viles long wod 9 long Afore LLG long las wik taim em i mekim wok raun i go long dispela eria wantaim

Wanpela fama long Jorura viles, husat i toktok wantaim Wantok i tok olsem graun bilong ol long Managalas i gat gupela gris na lombo i save gro gut tru. Ol fama i save groim ol liklik lombo we i save stap long grin kala i go yelo na taim em i redi i save go ret-pela kala. Ol i save pikim ol dispela ret-pela lombo we i mau pinis na karim i go long ples na draim antap long bet.

Plantu ol liklik manmeri long ples long Managalas i save kisim mani



MEKIM WOK: Wanpela famili i wok insait long lombo gaden bilong ol long Jorura viles long Managalas maunten long Oro provins. *Poto: James Kila*

long kopi. Ples bilong ol i kol na Arabika kopi bilong hailans i save gro gut tru long hap.

Tasol nau lombo prodaksin i go insait long Managalas na planti lain i amamas long groim na draim na bihain salim.

Ol rurel fama long Managalas i save salim ol lombo na kopi bilong ol long wanpela lokal baiya, Allan Mesa, husat i save salim ol ejent bilong em i go long wan wan ples

long baim lombo long ol rurel famas.

Ol fama i tokim Wantok Niuspepa prais bilong wanpela kilogram lombo em olsem K2.50. Na dispela em gupela mani long helpim ol long rurel eria long baim ol samting bilong haus olsem sop, klos, karasin bilong lam na rais na tinpis na tu sampela i save sevim long baim skul fi bilong pikinini bilong ol.

Gadaisu kisim helpim long wok bilong rais faming

DIPATMEN bilong Agrikalsa na Laipstok (DAL) i no long-taim i go pinis i karimaut tripela wik rais trening kos long Gadaisu komyuniti long Milen Be Provins.

Moa long 200 fama, planti em ol meri na ol yangpela i lainim ol rot bilong mekim rais faming.

Rais Ekstensen Yunit bilong Fud Sekyuriti Brens bilong DAL i kamapim trening program bihainim askim bilong ol manmeri long Gadaisu long ol i laikim rais masin long mekim wok.

Dispela ples i stap long boda bilong Milen Be na Sentral Provins.

Bihainim askim bilong ol DAL Seketari, Anton Benjamin i go long Gadaisu na givim maikro mil long ol fama.

Mista Benjamin i komyuniti i bin groim rais long longpela taim na laik bilong ol i wok long lus bikos nogat gutpela sapot bilong gavman i go long ol.

Moa long ol samting olsem rais mil na ol arapela sevis bilong agrikalsa.

Givim bilong dispela mani bai helpim ol moa long wok bilong ol.

Plantu bilong ol manmeri i save kisim olsem tupela o tripela aua long bot o long ka long go long Alotau long kisim ol saplai.

Wantaim sapot bilong DAL, laik bilong komyuniti long groim rais nau bai gro.

Long bekim ol komyuniti lida i amamas long tok tenkyu long helpim em Benjamin wantaim tim bilong em i givim.

Seketari i tok maikro rais mil i kam long sapot long Fud na Agrikalsa Oganaisesen (FAO) we Dipatmen i lonsim long 2007.

Tingting bilong givim kain sapot i kamap bihain long tok orait i kamap namel long 10-pela Esian kantri na 14 Pasifik ailan kantri.

OL meri kros long nogat toktok long 22 risev sit

Veronica Hatutasi i raitim

AUSAIT long Palamen Haus aste, i bin gat planti meri i no amamas bikos Palamen bung i no mekim wanpela toktok long Bil bilong kamapim Risev Sit long putim 22 meri i go insait long Palamen Haus.

Plantu meri i bin kam olgeta long Hailans rijen na ol narapela provins las wik yet na ol i wok long go long ol Palamen bung long soim sapot bilong ol taim Palamen i vot long dispela 22 Risev Sit Bil.

"Palamen bung long las wik na tude i no wokim wanpela toktok long dispela Bil na olsem, mipela ol meri i no amamas.

"Dispela em i haus bilong yumi na mipela (ol meri) i gat rait long ol meri i sanap long Palamen," Sentrel Provinsel Kaunsel bilong ol Meri Presiden, Laeko Bala i tok.

Ausait long Palamen Haus taim Spika i tok bung tude i pinis na bai ol i sindaun gen tumora, ol meri i kros na tok ol bai wokim haus kenvas ausait long Palamen Haus long soim kros na no amamas bilong ol.

"Plantu long mipela i tromoim



OL MERI KROS: Meri lida, Laeko Bala, wantaim ol narapela meri i soim belkros na tok ol meri i gat rait long stap insait long Palamen Haus. *Poto: Veronica Hatutasi*

bikpela mani long kisim balus na lusim ples long kam long ol narapela provins long soim sapot long dispela bil. Mipela i laikim ol wan wan memba bilong mipela long mekim klia long mipela watpo na nogat toktok yet i kamap long dispela Bil," ol meri i tok.

Taim ol i bung ausait long geit bilong Palamen, wanpela Ne-

senel Kapitel Distrik meri lida i bin kisim ol kliapela toktok long sampela ol Palamen memba na tokim ol meri long noken belhat, tasol long gat wanbel na go bek long haus na wetim Palamen bung bilong tude.

"Mi save long belkros bilong yupela bikos yupela i tromoim bikpela mani long kam givim sapot long Bil. Mipela ol NCD

mama bai stap wantaim yupela. Ol i pasim Palamen tude bikos Oposisen i mas stretim ol yet long sait bilong pati lidasip. Mi gat strongpela bilip olsem bai ol i toktok long Bil tumora," dispela NCD meri lida i bin tok.

Dispela i bin mekim ol meri i wanbel na ol i lusim tingting long wokim kem ausait long Palamen geit.

Liklik histori bilong kamapim 22 risev sit em wanpela meri tasol i stap long Haus Palamen em, Dame Carol Kidu, wantaim sapot bilong ol PNG meri lida i strongim.

Dispela em bikos Dame Carol i lukim olsem i mas gat balens long gat moa meri long Palamen we nau, i pulap long ol man tasol. Na taim i gat ol meri, ol i ken toktok long ol samting i sut long ol, famili na ol samting we ol man i no save tingting long en.

Pastaim, ol bin toktok long kamapim tripela meri risev sit na ol i makim tripela meri klostu long pinis bilong yia 2008. Tasol planti lain long Palamen na moa yet, ol oposisen memba i no sapotim sampela ol samting long dispela sabmisen we ol i tok i no bihainim lo. Ol i kisim sapot long olgeta meri grup long Mosbi na kantri na strongim dispela 22 meri risev sit we ol i lukluk long kisim sapot long en nau. Olsem na ol i putim was long palamen sindaun tude na wanem samting bai kamap.

Foren Afeas Minista, Sam Abal, i wanpela long ol Palamen Minista husat i soim sapot long dispela 22 risev bil bilong ol meri.



DOUBLE TAKE

...Look closely

...plus
bemobile will

Triple

Top Up on K3, K5, K10 or K20
bemobile topkad &
Double your credits



every purchase of
K50 & K100 topkad

bemobile mipela bilong yu

on all bemobile topkads
offer ends midnight

Terms and Conditions apply



PAITIM: Wapela pilaia bilong Gazelle i redi long paitim bal we birua bilong em bilong Stingers i tromoi long B Gred sofbol gem bilong ol meri long Mosbi las wik Sarere. *POTO: Andrew Molen.*

SALENS: Michael Foster bilong Eastern Stars FC i traim long pasim Koriak Upaiga bilong Hekari United FC long NSL gem bilong ol long Mosbi las wik Sarere. Hekari bin win 3-1. *POTO: Andrew Molen.*

Spots Dro

Eastern Papua Carnival Soka dro - Sarere Novemba 27, 2010

Sir John Guise stadium

Graun 1.				
08:00	Utuyagila	Vs EFC	MPC	R6
09:00	Kinita	Vs ATS Utd (2)	MPC	R6
10:00	Ebony	Vs Simla	MPC	R6
11:00	LSC	Vs Aleph	MPC	R6
12:00	Galea (2)	Vs Yota	MPD	R7
13:00	B'wana	Vs Moimoita	MPD	R7
14:00	Misima	Vs Nim	MPD	R7
15:00	ATS Utd (1)	Vs KG United	MPD	R7
16:00	Kivikivi	Vs Gunux	MPD	R7
Bai: Giovaka (1).				

Graun 2.				
08:00	B'wana	Vs Galea (2)	MPD	R6
09:00	Misima	Vs Yota	MPD	R6
10:00	Kivikivi	Vs Moimoita	MPD	R6
11:00	ATS Utd (1)	Vs Nim	MPD	R6
12:00	Gunux	Vs KG United	MPD	R6
13:00	ATS Utd (2)	Vs Giovaka	MPC	R7
14:00	Kinita (2)	Vs EFC	MPC	R7
15:00	Utuyagila	Vs LSC	MPC	R7
16:00	Ebony	Vs Aleph	MPC	R7
Bai: Simla (1).				

Bisini Soka Graun.

Bisini 1.				
08:00	Kabutuvalu (2)	Vs Maiwa	MPB	R6
09:00	North Coast	Vs Lagimu	MPB	R7

10:00	Kinita (1)	Vs Mix Mates	MPB	R7
11:00	Lubaigu	Vs Gabutu	MPB	R7
12:00	Aluabwa (2)	Vs Kabutuvalu (2)	MPB	R7
13:00	Okula	Vs Maiwa	MPB	R7
14:00	Aluabwa (2)	Vs Simla (2)	MPB	R8
15:00	Giovaka (2)	Vs Galea (1)	MPA	R8
16:00	Utuwotu	Vs Hidomo (2)	MPA	R8

Bisini 2.

08:00	Kabutuvalu (1)	Vs Kubwana	MPA	R6
09:00	Giovaka (2)	Vs Aluabwa (2)	MPA	R7
10:00	Femor	Vs Simla (2)	MPA	R7
11:00	Utuwotu	Vs Galea (1)	MPA	R7
12:00	Maiyela	Vs Kabutuvalu (1)	MPA	R7
13:00	Gabutu	Vs Maiwa	MPA	R7
14:00	Lagimo	Vs Mixmates	MPB	R8
15:00	North Coast	Vs Gabutu	MPB	R8
16:00	Kinita (1)	Vs Kabutuvalu (2)	MPB	R8

Sande, Novemba 28.

Bisini Soka Graun.

Graun 1.				
08:00	Giovaka (1)	Vs EFC	MPC	R8
09:00	ATS Utd (2)	Vs Simla (1)	MPC	R8
10:00	Kinita (2)	Vs LSC	MPC	R8
11:00	Utuyagila	Vs Aleph	MPC	R8
12:00	Moimoita	Vs Nim	MPD	R9
13:00	Yota	Vs Gunux	MPD	R9

14:00	Galea (2)	Vs ATS Utd (1)	MPD	R9
15:00	B'wana	Vs Kivikivi	MPD	R9
16:00	Misima	Vs Kg United	MPD	R9
Bai: Ebony - R8.				

Graun 2.

08:00	Yota	Vs Moimoita	MPD	R8
09:00	Galea (2)	Vs Nim	MPD	R8
10:00	B'wana	Vs Gunux	MPD	R8
11:00	Misima	Vs ATS Utd (1)	MPD	R8
12:00	Kivikivi	Vs Kg United	MPD	R8
13:00	EFC	Vs Simla (1)	MPC	R9
14:00	Giovaka (1)	Vs LSC	MPC	R9
15:00	ATS Utd	Vs Ebony	MPC	R9
16:00	Kinita (2)	Vs Utuyagila	MPC	R9
Bai: Aleph - R9.				

Sir John Guise stadium

Graun 1.				
08:00	Femor	Vs Kabutuvalu (1)	MPA	R8
09:00	Mixmates	Vs Lagimu	WPA	R6
10:00	North Coast	Vs Gabutu	WPA	R6
11:00	Lubaigu	Vs Hidomo	WPA	R6
12:00	Simla (2)	Vs Galea (1)	MPA	R9
13:00	Aluabwa (2)	Vs Kabutuvalu (1)	MPA	R9
14:00	Giovaka	Vs Hidomo (2)	MPA	R9
15:00	Femor	Vs Maiyela	MPA	R9
16:00	Utuwotu	Vs Kubwana	MPA	R9
Bai: K'aviators - WPA.				

Graun 2.				
08:00	Aluabwa	Vs Maiwa	MPB	R8
09:00	Lubaigu	Vs Okula	MPB	R8
10:00	B'wana	Vs Galea	WPB	R6
11:00	LSC	Vs Nim	WPB	R6
12:00	Giovaka	Vs Aluabwa	WPB	R6
13:00	Simla (2)	Vs Galea (1)	MPB	R9
14:00	North Coast	Vs Okula	MPB	R9
15:00	Knita (1)	Vs Aluabwa (1)	MPB	R9
16:00	Lubaigu	Vs Maiwa	MPB	R9
Bai: ATS Utd - WPB.				

NCD Women's Rugby League Sisen Propa dro

Sande Novemba 28, 2010

Murray Bareks

Raun 1	
09:00	K1 Titans vs MS
10:15	8Mile Settlers vs Murray Barracks
11:00	4Mile Cats vs oks Angelos
11:45	West Kongos vs Pore Bada DCA's
12:30	Morata Crows vs Mirikoru Bulldogs
13:15	Dobo Warriors vs JV Bulldogs
14:00	Babarian Sisters vs GB Broncos
14:45	Gerehu vs Siane Rangers
15:30	Defence vs Waigani Rats

Hekari stopim Stars

Andrew Molen i raitim

HEKARI United FC i sanap strong las wik Sarere long stopim ol Eastern Stars FC 3-1 long NSL gem bilong ol long Mosbi.

Ol Stars i go insait long gem wantaim strongpela tingting long daunim ol Hekari tasol ol i no bin inap long pasim Hekari husat i soim moa save na tingting long gem bilong ol.

Planti sans i bin kamap long ol Stars tasol ol i hariapim gem bilong ol tumas na i no kisim gut taim long kikim bal na skoa.

Ol Stars i strong na planti taim ol i pasim ol Hekari long hap bilong ol yet tasol i no bin inap long skoa taim ol i kisim sans.

Tasol long wanpela taim ol Hekari kisim bal i go antap long gol maus bilong ol Stars, ol i no westim taim we i lukim Neil Hans i putim namba wan gol bilong ol.

Skoa i stap Hekari 1-0 na ol i go long hap taim.

Ol Stars i paia gen long namba tu hap



bilong gem tasol wankain hevi bilong ol long namba wan hap bilong gem i stap yet, ol i no inap long skoa maski ol i kamap long gol maus bilong ol Hekari.

Ino long taim, Kema Jack i putim wanpela moa gol bilong Hekari long kisim ol i go pas 2 – 0.

Tasol wanpela gutpela samting long ol

Stars long dispela gem em, ol i no givap.

Ol i traim yet na i pasim planti arapela sans bilong Hekari tu.

Wanpela pilai bilong ol i go krangi taim ol i laik pasim Hekari long skoa na abrus na givim fri penolti kik long ol.

Jack i kisim dispela penolti long kisim ol i 3-0.

Wanpela gol bilong ol Stars i kam tasol klostu long fultaim we Nathaniel Lepani kisim long bekim wanpela gol bilong Hekari long sanap 3 – 1.

Dispela win i putim Hekari long namba wan ples yet tasol ol Stars i soim strongpela pilai tu.

Hekari kepten, David Muta i toktok strong long tim bilong em i noken malolo bilong wanem ol bai gat planti bikipela salens i kam long ol arapela tim olsem ol Stars i mekim.

PAINIM GOL: Jack i stopim bal long bros na i lukluk long gol bipo em i laik kik. Em i putim tupela gol long helpim Hekari win. POTO: Andrew Molen.

Sempion bilong Vipers



NAMBAWAN: Port Moresby Vipers huka, Toua Kohu em nambawan pilaia bilong klap long 2010 sisen. Kohu i abrusim ol arapela pilaia olsem Bobby Mori husat i kisim nambawan fowet pilaia long kisim dispela awod. POTO: Nicky Bernard.



PILAI SAMTING: Ol mama i soim ol nupela samting bilong pilai ol i kisim las wik. POTO: BSP.

Spots bilong ol ami mama

OL meri bilong ol soldia long Murray bareks long Mosbi tu i laik pilai sampela spot na stap helti na strong.

Long dispela as ol i save bung na pilai sampela gem namel long ol yet.

Planti bilong ol dispela mama i save stap long Type Two kwatas bilong ol marit soldia na ol i save pilai volibol, basketbol na netbol olgeta Sande.

Ol i save kolim ol yet “Green Machine

Mother Team” na ol yet i go pas long kamapim na ronim dispela komyuniti program bilong ol.

Las wik Fraide ol i kisim helpim bilong BSP benk wantaim 30 botol bilong putim wara, 30 spots bek, ol volibol bal, netbol bal na bas-ketbol bal.

Ol mama i amamas na i tok Tenkyu long BSP long luksave long astinging bilong program bilong ol.

Kem bilong ol nambawan junia pilaia

AFL PNG i tokaut long nem bilong ol junia pilaia husat bai stap insait long wanpela trening kem long Disemba dispela yia long Goroka.

Ol i makim dispela ol pilaia bihain nesenel sempionsip resis bilong ol. Ol i stap long anda 13, 15 na 17 bilong ol man na anda 15 divisen bilong ol meri.

Dispela nesenel sempionsip i gutpela long AFL PNG bilong wanem em i helpim ol long kamapim na luksave long planti ol nupela gutpela pilaia.

Anda 13 man**Anda 15 man**

- Anda 17 man**
Acquila Tambe
Albert Gabi
Alphones Jambarufo
Alex Waluka
Anthony Galegau
Ben Michael
Ben Kais
Apelish Gah
Blake Kerina
Benji Kobale
Ben Otio
Clydy Taligabua
Benson Batari
Ben Tirang Consty Gela
Bredon Timan
Bob Olik
Cromwell Inyapa
Caspar Bai
Brendon Gotuno
David Topeni
Christopher Mong
Bruno Arnold
Eddie Tagan
Clement Ave
Daniel Gitua
Eliot Takolu
Connolly Mangipu
Eddie Meli
Ernest Waha
David Roy
Harry Kambuou
Freeman Keno
Hosea Wartovo
Issac Bakani
Gilmore Lawrence
James Hauta
Jacky Tony
Ila 'Apa Kolou
Jeremiah Ragi
Jason Olik
Isudel Gawari
Jeremiah Tirang
Jeconiah Peni
Jeff Olik
Joe Aura
Jeremy Pikik Joe Iamo
Johnathan John
Joshua Kavapo
Joseph Loyle
Jones Meli
Joshua Pisep J
oses Lawrence
Joshua Jessie
Junior Francis
Joshua Koru
Linge Zebedee
Junior Lavu
Kenneth Buka
Luke Kifuk

- Kennedy Lavatu
Lionel Ongkee
Luke Savere
Leslie Nakovai
Marcelo Karogo
Macmiller Nogfa
Mctyson Bruce
Naso Kaburah
Malcom Baia
Michael Macca
Neville Kaiwa
Nakas Daniel
Nane Rai
Richard Stagman
Niel Aki
Raymond Prenai
Russel Nama
Peter Antiko
Ricky Robert
Tony Gouno
Richard Gume
Ruben Jiak
Weiwei Liliome
Roney Aua
Sebastine Bai
Wellington Norman
Sakias Nilmu
Tony Ronnie
Yarom Tine
Theodore Gorivo
Wilfred Dorogori
Yori Kua
Trendol Soten
Tukul Tapako
Watson James

Anda 15 tim bilong ol meri bilong 2011 PNG Kurakum skwat.

- Anda 15 meri
Anita Waraubina
Augustina Rava
Belinda Nagu
Bianca Avia
Brondelda Tiro
Clarisha Tomo
Deborah Norman
Diana Watato
Eileen Yaira
Fiona Mavela
Florence Yap
Geraldine Mou
Hedwick Tonok
Jennifer Biage
Kelen Paul
Kimberley Olik
Lamuka Giriba
Lorraine Gavuri
Lydia Gotuno
Lynette Kaluvia
Madella Kataro
Maria John
Nati Koim
Osina Omi
Rhonda Kaluvia
Silvia Kabe
Sonah Sawa
Sylvia Emeck
Vanessa Pisep

Dispela ol merit u bai stap long 2011 Kurakum skwat long makim PNG long sempionsip bilong ol meri.

AFL PNG it ok amamas long olgeta i stap long skwat.



Folau putim nupela yunifom

ISRAEL Folau (raithan) i bilas long yunifom bilong nupela AFL tim bilong em wantaim ol wanpilai bilong em. Dispela em wanpela bilong tupela yunifom bilong klap, Greater Western Sydney Giants. Dispela so i kamap long taim ol i lonsim klap long Sydney so graun long Novemba 16, dispela yia.



STRONGIM KANU RESIS: Ol nupela pul bai strongim gem bilong Mosbi Kanu klap. POTO: BSP

Nupela pul bai strongim kanu klap

10-PELA nupela pul bilong kanu bai givim strong long Port Moresby Outrigger Canoe Club (POMOCC) long ron strong antap long wara insait long ol bikpela resis bilong ol.

Klap i wok long redi long salim ol pilaia bilong ol i go long Pasifik Gems long Noumea, Niu Kaledonia long 2011, na BSP benk i helpim ol wantaim ol dispela pul.

Dispela ol P3 pul em i nambawan pul we planti ol kanu klap na tim insait long wol i save yusim na klap i amamas tru long i gat nau.

Klap presiden, Jonathan Kassman, i tok las wik taim ol i kisim ol dispela pul olsem, ol i bin yusim ol olupela pul longpela taim nau na helpim bilong BSP em i bikpela samting long ol.

POMOCC i gat moa long 50 junia na sinia memba bilong klap husat i save resis na ol i save trening 4-pela taim long wanpela wik.

Tasol planti taim ol i save wok hat moa bilong wanem ol pul bilong ol i olupela na i no save pulim wara gut tumas.

Dispela ol nupela pul bai mekim ol i pul gut moa na mekim gut long ol trening na pilai bilong ol.

Rosemary Mawe bilong BSP i bin bung wantaim ol memba bilong klap las wik Fonde long Lancron nevi bes long Mosbi long givim ol dispela ol samting.

Tresera bilong klap, Kila Nouairi tu i tok amamas na i tok dispela helpim bai givim moa strong long klap long trening na pilai moa strong.

Kanu resis em i wanpela bikpela gem insait long Pasifik Gems na PNG gat sans long sanap strong agensim ol arapela Pasifik kantri sapos ol kanu klap bilong en i gat ol gutpela samting bilong trening na pilai olsem.

DRING NA DRAIV Em i no wanpela PILAI



NOKEN DRING NA DRAIV

Dring na draiv save kamapim planti birua long rot na kamapim dai insait long PNG. Sapos yu ting yu orait long draiv bihain long yu dring sampela botol dia, yu mas tingting gut pastaim. Yu ken sevim laip bilong yu ken na ol narapela tu. Em taim nau long tingting gut long ROT SEFTI – em i no wanpela PILAI



SAPOS POLIS HOLIM YU BAI YU GO KALABUS

Lusim laisens blong yu,
na bai yu kisim sas

ROT SEFTI
em ino wanpela
PILAI

A road safety
initiative by



KOSA: Stuart i tok em i gat planti gutpela pilaia long winim ol Maroons

Stuart bilip long stopim Kwinslen

RICKY Stuart i kam bek olsem kosa bilong Nu Saut Wels (NSW) long Stet ov Origin na i bilip em i ken stopim Queensland.

Em i tok em i gat planti ol nupela, yangpela pilaia husat ol i gat save na strong bilong pilai we em i ken yusim long daunim Queensland husat em i ting i namba wan ragbi tim long wol nau.

Laspela taim ol Blues i bin winim Stet Ov Orijin em long 2005 taim Stuart i bin kosa na nau em i kisim tupela yia kontrak long mekim dispela wok gen.

Em bai kamap olsem namba wan man long wok fultaim olsem kosa bilong ol Blues, dispela i min olsem em bai no inap kosa bilong narapela tim insait long NRL tasol bai kosa bilong ol Blues tasol.

Tasol i no Stuart tasol i gat tingting long kirapim ol Blues bek long matmat, narapela bipo biknem pilaia bilong ol, Brett Kenny tu i laik helpim.

Kenny i tok em i laik kamap namba tu bilong Stuart.

Olsem Stuart, Kenny tu i no stap wantaim wanpela klap long NRL na i ken i gat moa taim na tingting long helpim Stuart na ol Blues.

"Mi laik helpim Stuart long taim gem gen," em i tok.

Kenny, husat i save pilai 17 gem bilong ol Blues long senta na faiv eit agensim Wally Lewis long bipo, i tok amamas long ol i makim Stuart olsem nupela kosa long traime na daunim ol Maroons.

"Em i taim nau long ol i harim tok bilong ol bipo pilaia husat i save long stail na ron bilong gem," em i tok.

"Yumi mas bihain Kwinslen bilong wanem ol i mekim wanpela samting stret na dispela i lukim ol i winim gem 5-pela yia stret nau," Kenny i tok.

"Yumi mas i gat wanpela fultaim kosa tu na Ricky Stuart em i rait man bilong dispela wok," em i tok.

Bihain long ol Blues i lusim 5-pela taitol insait long 5-pela yia, ol i kamapim wanpela wok painim aut na luksave long hevi bilong ol na tu long makim wanpela long taim kosa bilong ol.

Dispela bai wankain olsem Kwinslen husat ol i makim Mal Meninga olsem long taim kosa bilong ol long 2006.

Long dispela taim inap nau, Meninga i winim 5-pela Orijin taitol long dispela 5-pela yia wantaim long mekim nupela rekot bilong gem.

Stuart i tok Kwinslen i winim gem 5-pela yia pinis na em i taim bilong NSW long stopim dispela sem ol i wok long kisim long ol.

"Em i bikipela salens bilong wanem mipela bai pilai agensim wanpela nambawan tim insait long wol," Stuart i tok.

"Yumi no stap longwe tumas tasol yumi no bin laki long winim laspela gem long las yia," em i tok.

Stuart i no tokaut long wanem kain samting em i laik mekim long tim we bai helpim em long winim ol Maroons tasol em i bilip ol i gat planti gutpela pilaia husat i ken strongim ol.

SPOT RAUN

WANTAIM

Scott Vavine, ML



Yumi lainim wanem long pilai bilong Kumuls dispela yia

■ **Part 2 ... ikam long las wik**

Ol i mas lukluk gut tu long ol lain ol i makim long kosim tim.

Sapos ol inap, kisim ol ovasis man long kamap ol kosa na trena.

Wanpela gutpela piksa em long 2008 ragbi lig wol kap we Nu Silan i kisim Wayne Bennet bilong Australia olsem wanpela asisten kosa bilong ol.

Yumi ken mekim dispela tu na yumi ken yusim ol risos bilong yumi long helpim long kisim em i kam.

Sapos yumi givim inap taim na sapotim wantaim planti ol risos, ating bai risal bilong gem bilong yumi bai gutpela moa.

Long dispela em mi min long taim ol i makim bilong wanwan wok bilong redim tim bilong kain tonamen olsem 4 nesens na wol kap.

Wok redi em i bikpela na nambawan samting long mekim sapos yu laik lukim tru kaikai bilong wanem bikpela tonamen yu laik go long en.

Dispela em i no wanpela liklik gem nabaut we yu ken makim kain kain pilai long laik bilong yu na go pilai bihain long tupela o tripela de trening tasol.

Yu mas givim tru olgeta save na strong long redi long dispela tonamen na long mekim em i kamap tru.

Tingim, i mas i gat taim, risos na strong na save bilong man long mekim dispela i kamap.

Sapos dispela ol samting i nogat bai yu no inap lukim gutpela risal o kaikai kamap long en.

Bihain long ol i go insait long trening kem aninit long ol nambawan Intanesenel kosam yu mas redim sampela ol bikpela gem bilong ol long pilai insait long en, bipo long ol i go long tonamen bilong ol stret.

Dispela bai givim ol strong long pilai, strongpela tingting.

Taim dispela olgeta wok redi kamap bai yumi no inap wari long wanem hap yumi kisim ol pilai long en long makim PNG, maski ol i pilai long PNG, Australia, Nu Silan o long ol arapela kompetisen long wol.

Olgeta bai gat inap save na ekspiriens long pilai long dispela level.

Bikpela samting em ol i mas kisim gutpela trening na lukaut aninit long ol saveman bilong wol long dispela spot.

Dispela em sampela ol samting yu mas lukluk long en bihain long yumi skelim pilai bilong ol Kumuls na ol asua bilong ol long dispela tonamen.

Ol wok redi mas stat nau!

Ol arapela nesene spots federesen bilong wanwan spot tui mas lainim long dispela hevi na stretim ol yet tu olsem.

I nogat taim nau long toktok na painim rot long sindaun nating na wet tasol i stap.

PNG stap insait long planti ol Intanesenel gem bilong kain kain spot tasol i nogat wanpela gutpela senis i save kamap long pilai bilong ol.

Nau yu mas luksave long dispela ol samting mi tok long hia na mekim stret long helpim yu redi long ol arapela gem i kam bihain.

Sapos ol i lukluk long ol pilai bilong ol na mekim samting long stretim, bai ol i no inap bungim wankain hevi gen long ol gem bilong ol.

Yupela ol wanwan spots federesen i mas tingting gut tru long dispela, em i bikpela samting.

Sapos yupela i no bihainim bai gem bilong yupla i daunblo yet long ol arapela kantri.

Bikpela samting em long putim ol gutpela saveman husat bai wok tru na mekim samting stret na ol arapela samting bai ron gut tasol aninit long ol.

Garap kamap

Andrew Molen i raitim

NOGAT planti man i save long nem, Lee Garap taim em i kamap nupela taim.

Planti moa i no save long spot bilong em; Muay Thai.

Yu mas i no save tu olsem dispela man i wok long trening na pait long nem bilong Papua Niugini long Australia agensim ol paitman bilong hap na arapela hap long wol tu.

Garap i bin wanpela sinia PNG kikboks bipo em i senis i go long Muay Thai na boksing tasol em i no bin pait long amata level long dispela tupela spot, em i go stret long profesenol level.

Stori na nem bilong Garap i kamap bikpela long 2008 taim em i go insait long wol taitol pait bilong Muay Thai agensim Bruce McVee.

Nau Garap i wok long kisim luksave isi isi long lokol na intanesenel level wantaim.

Las wik, em i kam bek long Australia we em i bin stap insait long tupela Muay Thai pait long Oktoba 30 na Novemba 3, dispela yia.

Garap i lusim dispela pait long Oktoba 30, tasol i kam bek strong long Novemba 3 long win wantaim

wanpela nok aut long raun tri.

Long Oktoba 30, Garap i lus long poin tasol i ting olsem dispela pait i bin inap long kamap dro.

“Mi ting mipela i dro bilong wanem mi kisim em gut tru tasol ol jas i givim long em,” Garap i tok.

Em i kam bek strong bihain long dispela pait long daunim birua bilong em long Novemba tri long “The Ridge” long 3x5 raun pait bilong tupela.

Garap i stopim pait long raun tri wantaim wanpela spin kik we i lukim em i tanim na tromoi baksait lek bilong em i go kikim het bilong birua bilong em.

Ai bilong man ya i pas na em i pundaun na refri stopim pait.

Garap i tok trening bilong em i wok long ron gut na em i amamas long ol pait bilong em we em i wok long dro na winim planti.

Em i kam bek long PNG long stretim sampela pepa wok bipo em i go bek long Australia long tupela pait.

Wanpela em boksing na nara-pela em Muay Thai we bai kamap long Disemba, dispela yia yet.

Garap i tok dispela boksing pait bai kamap aninit long nem bilong wol sempion, Anthony Mundine

husat i bin kam em yet long askim Garap long pait insait long so bilong em.

Menesa bilong Garap, Jerry Sarufa i tok dispela em i bikpela luksave bilong wanem Mundine i no save kisim kain kain man i go pait long so bilong em.

“Em i save kisim ol paitman husat i gat nem na gutpela rekot, long go pait bilong em,” Sarufa i tok.

Em i tok tu olsem Garap i mekim histri olsem namba wan profesenol Maui Thai paitman bilong PNG na tu i wok long winim ol pait na apim nem bilong PNG long ovasis i stap.

“Em bai gutpela sapos planti moa sponsa i ken lukluk em na sapotim ol trening na pait bilong em,” Sarufa i tok.

Husat i laik sponsaim Garap i ken toktok wantaim Sarufa long 7178 9368 o e-mel; jsarufa@naufm.com.pg .

Garap i stap long gutpela fom stret nau wantaim strongpela trening em i save kisim long Australia.

Em i gat bilip long go moa yet na i no long taim bai em i pait gen long wol taitol.

Ating nau bai planti moa manmeri save long em.



KIK: Deputi Gavana Sari kik of long lonsim program long provins.

NRL Bid kisim skul ragbi lig go long Isten Hailans

Paulus Tali i ratim

PNG NRL Bid tim i kisim dispela skul ragbi lig program bilong ol i go long Isten Hailans provins pinis.

Ol i lonsim dispela program long Tunde dispela wik long Nesenel Spots Institut (NSI) pilai graun.

Deputi Gavana bilong provins, Koni Sari kik of long gem.

8-pela skul insait long provins bai stap insait long program dispela yia.

Long las wik ol i bin statim dispela tonamen long Mosbi we 16 tim i bin kamap na i soim planti stail na kala long pilai.

Program nau i wok long go aut long ol provins na Goroka long Isten Hailans provins em namba tu ples long kisim.

Astingting bilong dispela program em long redim ol yangpela bilong pilai insait long ol sinia tim bilong PNG bihain taim na tu long mekim i go insait long Kumuls tim

Nupela trofi, nem na gem

Nupela sponsa bai kamapim ol samting bilong em yet

Andrew Molen i raitim

LAS yia tasol bemobile i kamautim nupela trofi bilong ragbi lig resis we ol i sponsaim.

Gem i kisim nupela laip wantaim dispela nupela sponsa bilong en tasol nau, bihain long wanpela yia, bemobile i tok ol bai no inap sponsaim gem moa.

Wanem samting bai kamap nau long dispela trofi ol i mekim long las yia tasol? I luk olsem em bai stap wantaim ol Lahanis nau bilong wanem ol i laspela lain long winim.

Husat nupela sponsa i kam insait nau bai mas tingting long kamapim na mekim trofi bilong em yet bilong wanem dispela trofi bilong bemobile i gat piksa bilong ol yet na

narapela sponsa bai no inap long yusim gen.

Siaman bilong bemobile, Anthony Smare i tok ol i rausim han long sponsaim PNG Nesenel Ragbi Lig (PNGNRL) bilong wanem ol i senisim sampela wok bisnis bilong ol.

PNGNRL nau i wok long painim ol nupela sponsa long kisim ples bilong bemobile.

Ol nius ripot dispela wik i tok olsem siaman bilong PNGNRL, Don Fox i tok ol i wok long lukluk long ol arapela husat bai nap long sponsaim nambawan gem bilong kantri.

Fox i tok em i tingting bilong bemobile yet long rausim sponsasip bilong ol na ol i no inap mekim wanpela samting.

Tasol ol i ken traim long lukluk long ol arapela sponsa long kisim ples bilong bemobile.

Bemobile i bin kisim ples bi-

long SP Brewery long stat bilong 2009 wantaim K800, 000 sponsa.

SP Brewery i bin stap aninit long ol yet wantaim K200, 000 olsem liklik sponsa.

Fox i bilip strong olsem olgeta samting bai kamap orait na ol bai kisim wanpela nupela sponsa bipo long sisen i stat gen long 2011.

Taim nupela sponsa i kam bai gem i kamap nupela gen wantaim nupela trofi na nupela nem.



SENIS: Nupela sponsa bai kamapim na mekim nupela trofi bilong em yet. (lephan poto) Fox i no wari.

WANTOK POTO.

Garap kamap Page 27.

Stuart laik stopim Maroons. Pes 26.



MITSUBISHI FUSO CANTER



•Photos for illustration purpose only

HEAD OFFICE
PORT MORESBY PO Box 1259,
Boroko Cnr Waigani Drive &
Cameron Road, Gordons.
ph: 325 5111 Fax: 325 5301

BRANCHES
PORT MORESBY
LAE

325 5255	Mt HAGEN	542 1933	RABAU	982 8193	KIMBE	983 5035
472 1144	TABUBIL	649 9048	MADANG	422 2659	GOROKA	532 3552

EMAIL & WEBSITE
info@borokomotors.com.pg
www.boroko-motors.com

